

TRAICTE DE
LA MERVEILLEUSE ET
PRODIGIEUSE MALADIE, EPI-
PENDEMIQUE ET CONTAGIEU-
se, appellée Coquehuche, tres-do-
cte, & tres-vtile, faict & compo-
sé en forme de Dialogue,


*Par Maistre Iean Suau, natif de la
ville de Nymes en Languedoc
Medecin & Iuriconsulte.*




A PARIS,
Pour Didier Millot, Imprimeur, demeu-
rant en la rue de la petite Breton-
nerie près la porte S. Iaques.

1 5 8 6.

Avec Privilege du Roy.







DIALOGUES DE LA COQUELUCHE.

Les personnes introduictes.

Iean Svan Medecin, Tanequin Guil-
lemet Chirurgien, comperes.

Dialogue I.

PREFACE.

GVILLEMET. Si nous voulōs
cōserver la santé & la vie des
hommes, iusques a leur periode
naturel, qui est l'extreme vieil-
lesse, ou le particulierement prescrit in-
cogneu & incertain, il faut necessairement
estre bien instruiets & enseignez, en tout
ce qui appartient à la vraye cognoissance
& intelligence des maladies, pour preue-

P R E F A C E.

nir & preserver les futures imminentes, & guerir les presentes. Les maladies naturelles, c'est à dire de cause naturelle (aux corruptions inevitables des corps elementaires) ordinaires ou frequentes, sont assez enseignées & cogneues: mais les rares, obscures & difficiles, & les nouvelles celestes d'influence, voire Diuines (car nulle Ametrie de cause elementaire & celeste, pour les semblables reuolutions successiues, peut estre qui ne soit esté) plus ignorées, & auxquelles tous sommes apprentifs & disciples, ont besoin d'une ardue cõtemplation, & soigneuse perquisition. Or entre toutes les rares qui ont iamais esté, ceste-cy presentement aduenue appelée Coqueluche, (si nouuelle & singuliere, ne la voulons dire, pour quelques autres douleurs de teste, veues quelquefois à tout vn pays en vn mesme temps) vniuerselle & commune (en Cæphalalgie) à tous les hommes de tous les deux Emispheres, & ainsi aux Antipo-

des : & en autre forme d'alteration, à toutes autres creatures animées & inanimées, veritablement à besoin d'une plus curieuse speculation & perquisition. Celle que vous pretendez & entreprenez (peut estre premier) faire & descrire d'icelle, par ce petit Traicté en forme de Dialogue, me plaist beaucoup : & singulierement quand vous me faiçtes cest honneur, de m'introduire en tout le discours d'un si digne subiect, interlocuteur avec vous. Et pour ne perdre tēps & eommencer, ie vous demāde en premier lieu, qu'appellez vous proprement Coqueluche, Epipendemie, Contagion, noms de l'inscription de vostre Traicté.

A iij

Definition de la Coqueluche

SV A V. En nostre langage Coqueluche, Capuche, Cocuche, noms synonymes, signifient les couuertures de la teste pyramidales, anciennement frequentes aux femmes, & encores de nostre tēps aux moynes Chartreux, voire à la plus part des hommes, contre la pluye & le hassle du soleil, sous le nom de Capuche ou Capoché, du nom de la teste appellée en Italien, Capo, ou de Coqueluche pour similitude de la creste & corne aigue & pointue de certains oyseaux. Et ainsi ceste maladie se pourroit appeller Capuche ou Cochue de nom Arabe, comme les pillules qui regardent la teste s'appellent Cochées. Le tout à cause que ceste maladie afflige principalement la teste en tous, & semble l'inuestir & esleuer par sa plénitude, à la similitude des Capuches ou Coqueluches. Epipendemie en grec, signifie sur tout le peuple. Ceste mala-

die est ainsi dictée, d'autant qu'elle aduiēt par cause superieure à tous, sās exceptiō d'aucun, actuellemēt ou potentiellemēt.

G V I L. Pourquoy en la denominatiō de ceste maladie, vſez vous de ce nom Epipandemie nouveau & in-vſité, veu que tous les auteurs pour signifier toutes les differences des maladies populaires, n'ont en vſage que ces trois appellatiōs Pādemie, Epidemie, Endemie.

S V A V. Je ne le fay point ſans cause: car il y a difference en ce qui est en tout, & ce qui est ſur tout: de la maladie qui est en tout le peuple, & celle qui est ſur tout le peuple. Toutesfois les deux appellations conuiennent bien, en ce qu'elles monſtrent tout le peuple patir: mais en diſant Epipandemie en vertu de la prepoſition epi, ſur, nous monſtrōs la cause eſtre d'ailleurs & comme ſupérieure, ce que le mot Pandemie ne monſtre point.

Definition de la Coqueluche

G V I L. Vous y allez fort exactement, toutesfois l'on ne peut trop propremēt & significatiuemēt parler, & c'est beaucoup par la seule denominatiō faire entendre la nature de la chose proposée, passons outre ?

S V A V. Contagion est vne infection de contact & atouchement: il est vray que ceste contagion & ce contact infectant, se faict diuersement, par differente cause & instrument: car il se trouuent des cōtagions & infections les vnes malignes, veneneuses & mortelles, de cause semblable, cōme les pestilentes: les autres sans peril, de cause non maligne. Les moyens & instrumens de ceste cōtagion & communication, sont tousiours, expiration d'esprit, vapeur ou air infect, ou resudation de sanie & d'humeur semblable, pour l'agent, infectant & communiquant, & inspiration pour le patient & infecté. Voila quant a la signification

des mots que demandez.

G V I L. Venons maintenant à la description de la maladie.

S V A V. Coqueluche est vne Cephalalgie, c'est à dire douleur de teste, de matiere humorale & vaporeuse, c'est à dire d'humeurs & vapeurs, inopinément & sans cause manifeste, venue & issue des gros vaisseaux de la moyenne region & montée à la teste, du seul mouuement de la matiere: premierement par antipathie de la contagion de cest effect inspirée poursuuie, ou esmeue, excitée & engendrée, en la partie mesme.

G V I L. Vous dictes en vostre inscription, la Coqueluche maladie, & en ceste description, symptome, autant compatible que qui diroit la cause & l'effect, le subiect & l'accident estre vne mesme, chose: car douleur de teste est symptome accidēt & effect de maladie intemperie, ou solution de continuité, par ainsi faut

Disinition de la Coqueluche

que vous retractiez au tiltre de la disposition, & que la disez & définissez symptome non maladie, ou baillez autre definition.

Sv. Puis que ma description de Coqueluche en la Cœphalalgie symptome ethimologique, ne vous contente, ie la vous vay bailler en la maladie. Coqueluche est vne Ametrie au temperament de tout le corps, & principalement des parties nobles, & speciallement de la teste, engendrée de la soudaine & inutile descerte du soleil en la presente, ou ensemble de l'influence d'autres corps celestes de cest effect, eotagieuse & maligne, produisant horribles symptomes, cōme Cephhalalgie, Anorexie, Toux, Vomissement, Syncope, Pleuresie, Catharres, & autres.

G v i l. Exposez nous les parties de ceste grande description.

Sv. Ie ne peux faire entendre l'essence

de ceste tât rare & in-vſitée maladie, que par grâde circonlocution, & la briefueré eſt ſouuent cauſe d'obſcurité. Ie la dy Ametrie, d'autant que ſanté eſt Symmetrie, & maladie ſon contraire, Ametrie, au temperament de tout le corps, d'autât qu'en tout luy ſe ſent vne proſtratiõ.

G v I L. En ces mots inuſitez d'Ametrie & Simmetrie, vous penſez dire quelque choſe de nouueau, & toutesfois ce n'eſt que dire temperament & intemperie, noms familiers & frequẽs en la médecine, pourquoy vſez vous de ſes affectées ſingularitez touſiours obſcures.

S v. Pour bonne & neceſſaire occaſion, ie prens pluſtoſt le nom de Simmetrie & d'Ametrie, que de temperament & d'intemperie, d'autant que tous les auteurs de médecine, ne prennent le nom de temperament & d'intemperie, que pour la moderation, ou immoderation des qualitez elemẽtelles, & c'eſt pourquoy

Definition de la Coqueluche

ilz disent le temperamēt ou intemperie, chaude ou froide, seche ou humide, simplement ou cōplatiuemēt. Mais quād à moy: ie prens icy Simmetrie, pour l'armonie qui constitue la santé substantielle & de qualité, & pour Ametrie la contraire discrasie & immoderation: Et de faict nostre Coqueluche maladie doit, estre proprement considerée en immoderation substantielle, d'autant que la contagion affecte tout le corps, & principalement ses facultez naturelles & leurs visceres, & la teste, & que plusieurs malades n'ont senty aucun excès en aucune qualité elementelle, & celuy qui s'est senty par-foys, à esté plustost de symptome & d'autre disposition coincidente & compliquée: car la chaleur & la rigueur que quelques vns ont senty & sentent est de la fièvre, ou de la defluxion symptomes, nō de la maladie principale dictē Coqueluche. Par ainsi souf-

frez & receuez s'il vous plaist, mes termes plus propres, plus conuenables & significatifs.

G V I L. Venons au demeurât de la definition. Principalement des parties nobles & plus speciallement de la teste.

S v. Je dy cecy, d'autant que ces parties plus propres sieges & instrumens des vertus celestes, sont principalement affectées par les corps celestes leurs dominateurs.

G V I L. Vous estes donc de l'opinion de certains medecins Astrologues, qui font dominer & seigneurier vn corps celeste, sur chaque partie noble de nostre corps, pour en son fauorable estat & aspect, auoir mieux, & au contraire.

S v. Je ny regarde pas si exactement, mais recognoissant toute vertu celeste en l'admirable composition du corps de l'homme, vn petit monde, & en ses fonctions, & voyant les faueurs & assistan-

Definition de la Coqueluche

ces que l'homme reçoit par la beneuolence du ciel, & singulierement en ses deux principaux luminaires, & des disgraces & mauuaises dispositions en sa malueillance, ie suis contrainct donner beaucoup au Soleil, sus tout l'homme, & principallemēt sur ces parties nobles & leurs fonctions.

G v i l. Engendrée de la soudaine & inusitée, &c.

S v. Vne tant vniuerselle & soudaine disposition & maladie sur tous les hommes, ne peut aduenir que par cause cōmune generale & vniuerselle, promptement & efficacement actiue, qui est indubitablement, au moins principalement, le Soleil, en la generation d'icelle maladie affermé par les phisiques astrologues subitement & estrangement descendu : car autres choses peuuent auoir esté concurrentes : & mediatement l'air, promptement subiect a alteration & in-

quination, & consecutiuelement le corps de l'homme: chose pareillement obseruée sensiblement par chacun, en toute region.

G v i l. Certainement ce fait merueilleux, impossible aux elemens de soy, no^a contraint recourir au ciel inestimablement puissant, & là chercher la cause de ce tāt prodigieux & admirable aduenemēt, employée & excitée de Dieu, pour cest effect. Car Dieu en est le premier & vray auteur, & la crois celle que vous dictes: mais le moyen de ceste descente.

S v. Les Astrologues ayans estimé les Planetes ne se pouuoir mouuoir d'elles à faute de chose remplissante, l'air estāt inferieur & d'assension impossible, ont dict & affermé que les cieux les mouuent. Et d'autant que chaque Planete à son propre mouuement, que de mesmes elle à son propre Ciel, autrement vn commun moteur mouuroit en-

Définition de la Coqueluche

semble & esgallemēt les choses fixes, tellement qu'ils ont cōsigné sept cieux aux sept Planetes de diuers progrez. Pour raison de ceste presupposition fōdamē-tale de mobilité des cieux & immobilité des Planetes, lesdicts Astrologues ont attribué le mouuemēt du Soleil iournalier, au rauiffemēt du supreme ciel, l'annuel à la proprieté de son quatriesme: le tiers plus rare, nostre descente, à vne reuolution eccentricque de ce mesme ciel. Et voila le labeur & le tracas qu'ils se sont donnez à cause de ce faux presuppos, non moins inepte & absurde, que qui diroit pour faire aller vne bōulle de plaine main, la maison et toute la terre qui la contient se mouuoir. Pourrions nous considerer et conceder ceste tant lourde sottise en Dieu, infiniment puissant, prudent, prouident, industrieux, pour faire influencer sur les creatures inferieures sept verrues, ie parle par comparaison

paraïſſon au ciel: car elles ſont tres grandes & de vertu admirable, principalement les deux lumineaires Dieux à pluſieurs] de mouuoir des tresgrandes, tresamples & quaſi infinies maſſes, de mouuement ſpherique, diuers, contraire, impetueux, impoſſible, certes non: car cela feroit luy faire faire, contre le deuoir & l'ordre de nature perpetuel par luy eſtably, par prou & impoſſiblement, ce que par peu & facilement ſe peut. Puis que tout l'eſtre de ceſte machine à dependu de ſa volonteé, pourquoy en preſeruant aux Planetes leurs deuoirs, offices & ſeruices ſur ceſte Sphere elementelle, auroit faiſt & employé tant de cieux, pour ne faire autre choſe que les porter, tirer & trainer, ce qu'eſt autāt eſtrange, que qui voudroit atteler vne grande charrette, pour porter vn grain de millet, ou trainer vne paille. Mais vous me direz, il a eſté neceſſaire ainſi le

91 *Disinition de la Coquetuche*

faire, autrement les Planettes ne se pou-
 uoient mouuoir, pour regarder & fauo-
 rablement affecter les creatures de leur
 charge, à faulte de chose repletue, l'air
 estant inascensible, & le ciel irradicable
 vers le vuide intollerable, plustost les
 Planettes encores que mobiles, bon
 gré, malgré eussent esté perpetuellemēt
 & inseparablemēt retenues en leur lieu
 & place, *fuga vacui intollerabilis & im-*
possibilis, & defectu replentis fortioris.
 le respons, que le ciel qui les contient
 visiblement, est de nature comme d'air,
 tenu, subtil, diaphane, autant ou plus in-
 finuable & penetrable qu'autre chose,
 pour soudainement occuper & remplir
 tous ses vuides, tésmoins nostre œil &
 nostre veue, qui en vn moment penetre
 tous ces cieux iusques au firmamēt, sans
 interposition d'aucune chose visible, fors
 des metéores quand y suruiennent, ar-
 gument très nécessaire de leur très sub-

tile & menue tenuité, tres facile & tres-
prompte insinuation. Ceste description
des cieux des Planetes manifeste & vi-
sible, ne doit point estre trouuée estran-
ge: car l'Empirée necessairement la doit
auoir semblable, pour l'habitation de
Iesus-Christ & des hommes fideles re-
suscitez mobiles (le solide ne se penetrer
point.) Si nous donnōs à l'eau infinimēt
plus crasse, & a l'air moins subtil, de ce
pouuoir fendre par les poissons & oy-
seaux, et tout autre corps mobile, sans
laisser aucun vuide, pourquoy ne le dō-
nerōs nous aux cieux des Planetes ma-
nifestemēt plus subtils. Pour crainte dōc
du vuide tant redouté, ne faut imaginer
ny dire les Planetes immobiles, & les
cieux contiguement & immediatement
mobiles: ioint que de ses mouuemens
des cieux volontairement et non neces-
sairement presupposez, s'ensuiuent in-
finies absurditez: l'vne qu'estans imme-

Definition de la Caqueluche

diatement contigus, cōtre le vuide, voire comme colez en leur substance necessairement solide et dure, pour souffrir le plus que impetueux, rauissēmēt collidēt du supreme ciel, (le mol & lasche cede & ne se raut point) ietteroient continuellement esclairs, tonnerres, feux & flāmes, cōme les nūes moins seiches & moins violentēmēt collifēs. Car ce foudroyāt rauissēmēt celeste de vingt-quatre heures, seroit infiniment plus violent (la plus que aérée diaphanité & transpa-
roissance des cieus des Planetes, demēt ceste corpulante solidité necessaire au rauissement) ioint que si elle contenant tant de milliers d'estades aux trois cieus supposez au Soleil y estoit, la clarté d'iceluy nous seroit ostée par icelle, puis que selon Aristote, les Astres ne sont que la mesme substāce du Ciel, plus recueil-
lie & raffermie, comme les neud d'un bois: & que la Lune opposée la no^e oste.

Car le plus espoir & solide de la Lune, n'est pas pour cest effect plus considerable: que la susdite solidité de tant de milliers d'estades: & toutesfois les cieux ainsi necessairement solides selon eux, pour le pretendu rauissement, & de l'espaisseur susdite, ne nous empeschent point ceste clarté. Donc ne sont point solides, ny par consequent rauissables, ains de la substance comme aérée par moy dicte: ny les Planetes de la substance de leurs cieux, puis qu'elles ont vertus et effects particuliers et propres. Si toutes estoient d'une substance, ou leurs effects du Soleil, les vertus seront semblables. Voire ladite solidité des cieux inferieurs au Soleil, necessaire pour le rauissement, si elle y estoit, nous osteroit sa chaleur, nullement penetrable en ses rayons outre les corps si solides & espais, pour diaphanes qu'ils seachent estre, come appert en la reflexion conflagra-

Definition de la Coqueluche

te & cōburente, qu'ils font de leur chaleur, vers les corps opposez : et inflammeroit tellement les superieurs et le sien propre, qui receuroiēt la reflexion, qu'ils feroient en vn feu continuel : et toutes-fois les rayons et la chaleur, paruiennēt à vn moment à nous infiniment distans, par le trauers des ciex supposez. Ilz ne sont pas donc solides ny par consequēt ravis. L'autre, que l'infinité du dessus affermée, ne seroit point : car si le Ciel plus souverain & ravisseur des subalternes se mouuoit, faudroit necessairement qu'il se meust en lieu et espace, & qu'il fust contenu, contre le droict de l'infinité : (l'Empirée est chrestien) et ne fait rien, que nature aborrhe l'infinité : car elle n'aborrhe pas moins *nihil in aliquo*, c'est à dire, *aliquid & nihil simul*. Ioinct que ceste infinité, s'entend de la totale, laquelle n'appartient qu'au seul Dieu, & non de la locale superieure necessaire.

En outre, les mouuemēs contraires des
cieux, affermez, ne feroient aucunemēt
possibles : car comment pourroient
les cieux inferieurs supposer au firma-
ment, ensemble cōme colez pour estre
briefuement, violement & auec ra-
uage ravis & emportez par vn si long
espace, retrograder cōtre la violence su-
preme incroyable. Vn corps tresgrand
spherique, de facile obeissance quand il
est vne fois meu, est de tres difficile sūtē-
ce, & impossible repugnance & retro-
gradation, contre son rauisseur tres-fort
contraire. Pour vn quatriesme, le Soleil
n'a autre fin ny autre effet, que d'eschau-
fer, esclairer & illuminer, coengendrer,
nourrir & conseruer, toutes les creatu-
res de ce bas mōde, ce qu'il ne peut fai-
re, que par vne reuolution sienne, iour-
naliere & quotidienne sur tous les deux
Emispheres. Dōc ce mouuemēt spheri-
que du Soleil iournalier, est de son droit

Disinition de la Coqueluche

& naturel deuoir, & de sa creation, & par consequent libre, volontaire, & d'inclination naturelle, comme toutes choses qui se font selon nature, & nō de force, contraincte & fauissement contre nature. Et son mouuement annuel n'est point contraire, ny autre que le iournalier spiralement fait, declinant & digredant peu à peu chaque iour, en chaque parallele vers le tropique opposite, pour la plus grande excalefaction necessaire, pour la generation, production & maturation des fruiets annuelz & temporels en toute terre. Ces diuerses declinaisons & digressions recogneues aux Planetes & autres corps celestes, ont contraint les Astrologues opiniastrs à la mobilité des Planetes en leurs cieux, de se persuader & dire, que vn mesme ciel faisoit diuers & contraires mouuemens, et pour ne tōber en l'impossible de contraires mouuemens d'vne mesme chose

en vn mesme temps, ils se sont imaginez en chaque ciel plusieurs portions & orbes, inegales, bossues, contrefaictes, pour euitier le vuide, contre la perfectiō des figures et corps celestes sphœriques, parfaits en tout soy, pour faire faire à chacune, les mouuemens diuers & contraires recogneuz aux Planetes : & à chacune de ses parties ont estably vn centre, & appellé les mouuemens desdictes parties contraires au total, eccentricques : & ainsi d'un ciel en ont fait trois et quatre, & des huit seulement cogneus par les Astrologues premiers, à cause d'autres particuliers mouuemens recogneus depuis aux corps celestes du firmament, diuers et contraires au quotidien et iournalier, pour ne quitter ceste mobilité d'iceux en leurs cieux, ils ont excogité d'autres cieux aux dessus du huitiesme, qui font les mouuemens depuis recogneuz, iusques à dix & vnze.

Définition de la Coqueluche

Et m'assure que comme les premiers Astrologues plus diligens & exactes cōtēplateurs et supputateurs, pour l'ignorance des mouuémés depuis recogneus, n'auoient accordé que huit cieux, que de mesmes pour l'aduenir à cause d'autres nouueaux mouuemens tardifs & lōgs, et imperceptibles qu'en de millie-mes d'années comme les autres, qui se pourront descouurir, qu'il faudra encores excogiter d'autres cieux iusques à vn nombre infiny: mais qui croiroit, que dessus ce firmament qui contient (hors les Planetes) tous les corps celestes en sa superficie caue exposée à nous, prescheurs de la gloire et puissāce de Dieu, y eust autres cieux, hors l'Empirée, cachez à nous & inutiles d'influence, leur principale fin, certes nul raisonnable. Donc ceste pluralité de cieux et orbes imaginée & pretendue, pour ne se vouloit departir de ce faux fondement &

presuppos de mobilité des cieux & immobilité des Planetes, est cause de toutes ces absurditez. Chaque Planete en son ciel, peut faire tous ces mouuemens, sans la difficulté, absurdité & impossibilité necessaire aux cieux. Et ne faut point trouuer estrange, ou impossible, que ce grand & quasi infiny nombre d'estoiles du firmament, marchent regulierement & contiuellement, d'une mesme mesure & proportion d'elles mesmes, puis que rien ne s'y oppose : & que les mesmes intelligences & substances Angeli-ques, d'infinies legions, le peuuent faire aussi bien & plus facilement, qu'elles ne le feroient aux cieux, avec les repugnances cōtrarietez & impossibilitez que s'y trouuēt. Voire vne seule puissance peut faire tous ces mouuemens des estoiles du firmament, tant est grande leur vertu & force : ou Dieu seul de sa puissance infinie le faict. Un semblable progres

21 *Definition de la Coqueluche*
d'un peuple infini aux armées, très propre, très conuenable, très-vtile & très necessaire, ne semble point absurde: & cestuy des estoiles plus necessaire, & impossible en leurs cieux le semblera. Et ainsi de ces mouuemens contraires des cieux, inferez des Planetes opposément meues, sensuiuent toutes ces absurditez, & autres que ie reserue au propre Traicté qui s'en fera. Dieu & Nature ne font rien vainement ny inutilement; (i'entēds de nature Naturelle, car la des-naturée erre souuent, cōme quand elle faict six doigts à vne main, & d'autres superfluitez & defectuositez,) & vn grand faict doit produire vn grand & admirable effect, & toutesfois ces cieux d'eux, par cest admirable mouuement creu, ne produiront ne influenceront rien de nouveau: car en tout & par tout ilz sont de substance homogenée, de mesme forme, figure & vertu, & en leur tour sphe-

rique, ilz n'ont & ne donnent rien plus, que stables & immobiles : mais les Planetes diuerses, selon leur local & particulier aspect, produisent & influent particulieres vertus. Mais qu'auons nous que faire d'employer en leurs mouuemens propres les cieux, veu que Dieu pour son honneur & pour sa gloire, & pour le bien de creatures elementelles de tout ce bas monde, leur a donné admirables vertus, & en toute perfection, ce que ne feroit, si pour cest effect, leur mouuement leur estoit denié, autant ou plus facile à Dieu, que de leur faire influencer par leur seul regard & aspect, choses merueilleuses. Qui donne le plus, donne le moins, & tout le requis pour cest effect. Donc puis que la verité est telle, que les Planetes se mouuent, et les cieux non, par les raisons susdites indubirables & inuincibles, soustenons contre l'opinion commune & reuerence

Definition de la Coqueluche

des auteurs, nostre nouuelle & parado-
xique Astrologie, mesmes que par icel-
le les phenomenes & apparéces en elles
ny en leurs effects, ne sont aucunement
alterées, violées ny démenties, et par cō-
sequent que ceste descente du Soleil est
vne fiennē sousgradatiō plus prochaine
à la terre, vicille, froide, lassē, et non vne
reulution eccentricque de son ciel, com-
me les Astrologues veulent. Et ne faut
pretendre aucune absurdité ou impossi-
bilité, aux mouuemens naturels d'une
chose contraires : car ilz sont autant ou
plus tollerables et aisez à faire, à la cho-
se de volonté, que de rauissement. En-
semble disons que selon la verité, n'y a
que trois cieux, le Firmament & le sup-
posé iusques aux Elemens homogenée,
dans lequel aux lieux prescits, les Pla-
netes se mouuēt du mouuemēt enioint,
et vn plus souuerain domicile de Dieu,
de Iesus Christ, des Anges & Esleuz : car

les sept attribuez aux Planetes, inferez par contrainte, à cause de ce faux presupposé d'immobilité d'icelles, & de leur mobilité particuliere en leurs cieux, ne sont ny necessaires ny vray semblables comme à esté monstre. Sainct Paul tesmoing tres-fidelle, tres-certain et occulaire, confirme ceste nostre trinité et triplicité celeste, quand il dict qu'il a esté rauy, soit en corps ou sans corps, iusques au troisieme ciel plus souuerain, vray domicile de Dieu & de Iesus-Christ, auxquels il estoit miraculeusement attiré pour y voir les merueilleuses felicitez celestes. Moyse, au Genese, descriuant la creation & fabrication de toute ceste machine, ne faict mention que d'un ciel, entendant tout ce qui est au dessus de nous pour iceluy, le nombre pluriel frequent aux escritures, se doit rapporter, à la trinité et triplicité de S. Paul, & nostre.

G v i l. Vostre nouuelle Astrologie,

Definition de la Coqueluche

semble auoir satisfaiſt à ma demande, touchât le moyē de ceſte deſcēte du Soleil, principale cauſe de noſtre Coqueluche, enſemble aux difficultez du nombre, de la mobilité ou immobilité des cieux & des Planetes, par occaſion propoſées & diſcoursées par vous : mais d'autāt que c'eſt vn paradoxe fort eſtrāge, ce que vous diſtes, j'ayme mieux encores, me tenir au doute, difficulté & incertitude de tous ces points, que de recevoir tant facilement voſtre nouvelle, & paradoxique opinion, pour l'honneur et reuerence de la commune immemorale, mais qu'il ue vous deſplaieſe. Pourſuiuons le reliqu de la definition : Contagieuſe & maligne.

S v a v. La contagion de l'air en ſoy, & de l'expiration des infects eſt trop manifeſte : car quaſi tout a vn coup en vn meſme temps, & par toute la terre, iuſques aux Antipodes ſelon la raiſon neceſſaire,

cessaire, tirée de la cause generale, tous les hommes se sont trouuez soudainement faillis, infectez & frapez de ceste maladie: ce que ne peut estre que la cause ne soit generale, commune, contagieusement & malignement agente en tout l'air vniuersel, comme le Soleil, qui dans vingt-quatre heures affecte par ses rayons & efficaces influences, tout l'air, & les corps inferieurs de tout l'uniuers, principalement l'homme sa plus propre creature & geniture selon les Philosophes, lequel s'est trouué comme seul, ou principalement & fort manifestement infecté, d'autât qu'il est plus Solaire, plus dominé, regi, gouuerne & affecte par le Soleil son plus propre dominateur & seigneur celeste. Et pour la familiarité & similitude de substance, la contagion vne fois engendrée, en a esté facilement communicable de l'un à l'autre. Les autres corps elemétels ont vray

scorplablement souffert, mais non pas si fort, ny si manifestement, pource qu'ils ne sont pas si célestes, ne si solaires que l'homme, & de fait, la multitude des chenilles & sauterelles, engendrées en mesme temps, ont monstté la souffrance & corruption des elemens: la malignité n'a pas esté telle, ny si meurtriere qu'en la peste, pource qu'elle ne procede que de la subite alteration aux corps elementels, & en l'homme, par la precipitée degradation ou sousgradation du Soleil: mais la peste en sa premiere generation & au premier touché, à sa cause en vne cruelle Cacochimie & corruption de l'homme, comme auons amplement monstté en nostre traicté d'icelle.

GVII: Venons à la dernière partie de la disinition: produisant grieus Symptomes cōme Cœphalalgie, &c. Disinissez no^r en premier lieu, ce Symptome Cœphalalgie, premieremēt par vous nom-

mé, & dictes nous pourquoy vous le faites plustost coïncidente & accidentelle disposition que premiere, veu que ceste maladie Coqueluche, semble s'appeller ainsi, pour cause de la Cœphalalgie, & les noms signifiâns proprement la chose propres non appellatifs, nous doiuent représenter ce qu'ils ethimologiquement signifient, autrement fort indiscrettement, legerement & ignoramment, les noms se trouueroient imposez, contre l'opinion que l'on à des Hebreux & Grecs, estimez & creuz en leurs appellations, fort propres & significatifs.

SYMPTOMES DE LA CO-
queluche. Dialogue II.

SVAV. Je dy la Cœphalalgie Symptôme & coïncidente disposition, pource que veritablement elle l'est : car elle est douleur, & toute douleur est indubitablement affermée de tous symptôme, coïncidente disposition & effect

Symptomes de la Coqueluche

d'autre premiere maladie, comme d'intemperie et de solution de continuité, & encores ceste maladie qui faict la Cephalalgie, intemperie & solution de continuité, étant en la teste, n'est point nostre maladie Coqueluche, que nous faisons intemperie substantielle de tout le corps. Mais ie vous diray la cause de la denomination de la maladie, par le nom de son symptome. D'autant qu'en la medecine, toutes les maladies individuellement infinies, sont reduites soubz ces trois differences generales, intemperie, mauuaise conformation & solution de continuité: pour discerner les particulieres l'une de l'autre, à esté necessaire imposer noms particuliers, aux especes & aux individus: comme, vne inflammation se peut appeller du nom du genre intempérié, mauuaise conformation & solution de continuité: mais d'autant qu'elle est vne des especes du genre,

pour la distinguer des autres especes, luy a fallu nō special, & l'appeller phlegmon, & la Pleuresie indiuidu de l'espece, la fallu appeller du nō indiuidu, lequel n'a peu estre tiré que de la difference essentielle & spécifique de l'indiuidu, pour plus designamment & particulièrement discerner la Pleuresie des autres inflammations, qui a esté le nom de la partie affectée, *pleura* de mesmes, *Phre*nesie inflammation, est ditte du nom de la partie & faculté qui souffre, L'ophthalmie sēblablement: il y a d'autres especes de maladie qui prennent denomination de leur plus essentiel symptome, comme la Paralisie, & la nostre, et autres: car par le symptome faut tousiours entēdre la maladie sa cause, d'autant que de soy, il n'est que l'effect et accident, presupposant tousiours son subiect sa cause, curable en icelle. Ainsi nostre maladie est dictte Coqueluche, du nom de son prin-

Symptomes de la Coqueluche

cipal, plus manifeste, sensible, continuel
et perpetuel symptome, à sçauoir Cee-
phalalgie, et de sa partie, autrement apa-
pellée Coqueluche, par les raisons ame-
nées en l'ethimologique exposition.
Quand à la disnition de ce symptome
que demandez, iel'ay proposé au com-
mencement, voulant y définir la maladie.
Et **Govr.** Je ne veux point demander la
cause du symptome, pour ce que sa dis-
nition la contient, seulement i'adiouste-
ray qu'en ceste maladie, la teste souffre
principalement, d'autant qu'elle est le
plus propre siege de l'Ame & de l'enté-
démér, tout celeste & solaire, pour souf-
frir: d'auantage en l'estrange mutation
du Soleil. L'autre symptome contribue
& perpetuel non moins vrgét, & encores
qu'il ne soit pas douloureux, est Anore-
xie, dictes nous sa nature & cause. 302

S.vt. Anorexie Inapetente, est disposi-
tion propre de l'estomach vray siege de

l'appetit, & son contraire, prouenant en
nostre maladie, de prostration de vertu
naturelle tant de la partie que de tout le
corps, engendrée ou par la fufdite estra-
gementation du soleil, ou à cause de cer-
taine latente malignité de la contagion
contre la vertu naturelle, ou par déflu-
xion relaxant la partie, ou corrompant
l'appetit par diminution, de prauation
ou abolition.

Gyrl. D'où vient que ceste Anore-
xie a duré plus longuement que la ma-
ladie, ny autre symptôme.

Sv. Je suis bon tefmoin de cecy: car
sans auoir mal fenfiblement, faifant tou-
tes autres actions naturellement, ie me
suis trouué beaucoup de iours fort de-
goufté, ce qui me cōtraint croire, & dire,
que ceste maladie & cōtagiō, à quelquel
plus speciale antipathie cōtre les facul-
tez & vertus naturelles & leur viscères,
les debilitāt plus fort, & plus lōguemēt.

12. *Symptomes de la Coqueluche*

G VII. L'autre symptome semblablement long, continuel, importun & dangereux, est la Toux, violente en aucuns iusques a hoſter la reſpiration, ou par ſa violente concuſſion, ouurir & rompre des vaiſſeaux en la poitrine, aux corps plethoriques, qu greſſes, rares, foibles & debiles, pour la grande compreſſion de tout le ſang de la moyenne region en iceux vaiſſeaux, la pluſpart exiles, petits, et par ce moyen exciter Pleureſies, Perineumonies, & autres inflammations internes, quaſi toujours mortelles, quand elles ſuruiennent à vne maladie aigue, où à vn corps debilité, cōme c'eſt verifié en pluſieurs Coqueluchez tombes en ſes inflammations. Diſtes nous ſ'il vous plaiſt la cauſe de ceſte tant violente Toux en noſtre Coqueluche.

S v. La Toux eſt vne violente expiration excuſſoire & expectoratiue, en cauſe materiele, mobile & expectorable, ſo-

noieuse, excitée d'une violente concus-
 sion des parties respiratoires, comme
 de la poitrine & du diaphragme, pour
 chasser & mettre hors, se qui s'interpose
 aux voyes & trachées respiratoires, cō-
 tre la liberté de la respiration, renitant
 ou eludant, en ce que offence, irrité &
 stimule par acuité mordicante et velli-
 cante le larinx, orifice premier de la tra-
 chée artère. Ceste matiere bouchant &
 irritant, souuent prouient originellemēt
 de la poitrine, comme aux Pleuretiques,
 perineumoniques, emprematiques, phti-
 siques et semblables. Autresfois descēd
 et deflue du cerueau, sur le larinx & plū
 auant. Les poulmōs sont aussi instrumēt
 de la Toux, par leur exsufflation, non
 pas faicte ny excitée d'eux mesmes, car
 ilz n'ont aucun mouuement ny sentiment
 en leur chair, mais par le moyen de la
 poitrine & du diaphragme, faisant par
 leur dilatation inspirer les poulmons,

ss *Symptomes de la Coqueluche*
& par leur violente contraction, concus-
sion & compression violement ex-
pirer & toussir. En nostre Coqueluche
la Toux prouiet de defluxion & resuda-
tion du cerueau & des pailmons, par
debilitation & comme dissolution resur-
dâns & enuoyâns humeur aux attachées
à la trachée, & au larynx, & au pailmon.
Ces symptomes plus essentiels,
continels & perpétuels, ensemble signés
pathognomonique, deduis, venons aux
autres indifferens & equiuques de ce vo-
missement fort inopportun & frequent, ven-
ant en tous les malades de la Coque-
liche, me le fait croire comme essentiel
à ceste maladie. Dites nous en si vous
plaist, ce qui vous en semble.
Sv. Le vomissement est vne cōuulsion
de tout le ventricule, de l'estomac, comme
le nausée vaine, & le hoquet du seul ori-
fice supérieur, procedant de molestie
ou nerveuse ou greuante & irritante: car le

ventricule ne se peut violement es-
mouuoir en haut (de mouuement certes
contre nature encores qu'il aduienne a
quelques hommes sains) qu'il ne soit in-
tollerablement irrité, il est vray que
l'irritation est souuent d'imbecilité & de
coustume, comme en ceux qui legerem-
ment & pour petite occasion, de seule
apprehension & imagination de chose
desagreable, vomissent, & autre-fois
de contrainte, force et violence, pour
cause intollerablement vrgente, vapeur,
humeur, ou autre chose maligne for-
melle ou elementelle, humée, deuorée
ou defluée, comme en la maladie dont
est question. Le vomissement importun,
cruel & dangereux qui s'y voit, voire
en plusieurs difficiles vomisseurs, indu-
bitablement prouiet de chose maligne,
d'humeur, vapeur ou d'air, humez, inf-
pirez ou conflués, autrement ne pour-
roit exciter vn si cruel, & quasi impla-

Symptomes de la Coqueluche

88
cable vomissement, à yn ventricule souvent robuste, pur & net, ou avec quelque peu de pituite douce naturelle nullement irritante.

G V I I. Le Diarrhoée flux de ventre, simple ou choleric, c'est à dire accompagné de vomissement, survenu en plusieurs frappez de ceste maladie, argue pareille cacochimie intollerablement irritée, maligne de cōtagion & de soy, autrement en tous les malades de Coqueluche, se verroit ce symptome.

S. A. Les uns ont le ventre dur tout le temps de la maladie, autres, au commencement tant seulement : les autres continuellement fluant. La difficulté, denote benignité de matiere, grãde sobriété, ou legere cōtagion, ou obstruction du cholidoche & suppression de sa bile irritante : l'impetuosité continuelle Diarrhoée, ou Cholere, cacochimie & cōtagion maligne : le flux final, louable.

crise : le continuellement & impetueusement fluant, & principalement le choleric tousiours tres-aigre & malin, de foy & de contagion, est quasi tousiours mortel : le simplement final & critique, tres salutaire.

GV I L. L'hœmorrhagic fort frequēte suruenue en toutes natures, personnes de tout aage, en tout sexe, en tout tēps, par toutes voyes & regions, n'a pas esté sans mistere.

SV. L'hœmorrhagic spontānee des sains, est tousiours naturelle apres la puberté, aux masles apres quatorze ans, en l'adolescence, & au dessus iusques en l'aage constant & viril : aux femelles, depuis douze ans, leur temps nubile & de leur puberté, plus auancée qu'aux masles de deux ans, auenant periodiquement tous les moys, pour cela dite menstruelle. La cause de l'hœmorrhagic naturelle tous, est la redondance du sang, plus

Symptomes de la Coqueluche

grande & feruente apres les pubertez,
ia de corps comme parfait, & de cha-
leur plus grande.

G. vii. le demanderois volontiers in-
cidement sur ce que vous venez de dire,
pourquoy est-ce que les femmes plus
froïdes en temperamēt ont leur puber-
té & leur temps nubile, plustost de deux
ans, que les males plus chauds, mesmes
que la puberté & la generation, ce font
par le moyen de la chaleur naturelle,
plus principal & singulier instrument de
nature.

S. v. Cecy est, *extra rem propositam, de
apicibus iuris & abditis rerum causis.*
Toutefois d'autant que les Loix par la
raison leur Ame le determinent, ie desi-
rerois apprendre la raison : mais vous
voulez que ie la die : or voyons si ie me
la pourray enseigner & à vous. Les inter-
pretes legistes disent, que les loix font
& declarent la puberté première aux fe-

mêles, pour les rendre plustost nubiles
& testatrices, d'autant que nature les en-
vieillissât plustost, à cause (côme ie croy)
de leur substance & humidité primoge-
née, subiect, nourriture & aliment de
la chaleur naturelle, nostre vie, ou prin-
cipal instrument, plus dissoluble, resolu-
ble, dissipable & consommable, les a
voulu premierement que les masses,
douer de force & vertu, pour concevoir
& engendrer, de iugement pour tester.
Peut estre que c'est bien la cause finale
de nature, mais la prochainement effi-
ciente, & instrumentale, & moyen pour
cest effect, sont encores au cerueau de la
loy & des Philosophes phisiciens, & si ie
faisois mon deuoir, pour icelles ie vous
renuoyerois à eux. Mais i'ay ce vice en
moy, de toutes questions proposées en
vouloir dire bien ou mal. La generatio
depēd de la vertu efficiente, de l'aptitu-
de de la matiere, & des instrumens. La

28. *Symptomes de la Coqueluche*
vertu efficiëte reside en la semëce, aussi la
matiere pour les parties spermaticques
& similaires, pour les charneuses au sâg
menstrual: l'instrument principal après
l'émision, est la matrice bien conformée
& temperée: l'appetit venerien est plu-
stost & plus efficacement aux femmes,
à cause de leur précipitée redondance
seminale turgente, & de la vaporeuse
flatueuse & spiritueuse titillante. Quand
à la chaleur elle semble plus grande en
la femme au moins en sa matrice, aussi
les femmes sont naturellemēt capables
de plusieurs hommes, non les hommes
de plusieurs femmes, contre la Tyranni-
que usurpation des hommes Turcs sur
les leurs. Or il est certain que la semen-
ce & le menstrue viennent de l'abondâ-
ce & superfluité du sang en la femme
après douze ans, le sang redondant à
cause (comme ie croy) que nature & le
corps sont en cest aage en la femme cō-

me parfaits, la matiere humide, molle, traitable obeissant plus & plustost pour la conformation & perfection d'iceluy, à la faculté formatrice, que celle de l'homme plus rebelle & renittète: de laquelle auancée perfection corporelle de la femme, nous inferons pareille preuention aux facultez de l'ame: car nature marche de mesme pied & pas, aux choses naturelles & leurs facultez, pour la dire plustost capable de iugement & de raison, causes (selon mon aduis) de la plus aduancée puberté, fertilité, fecundité, capacité & suffisance de la femme: raison & occasion à la Loy, de leur donner cōgé de se marier & tester, deux ans plustost qu'aux males pl^r tardifs à leur perfection. Aduisez si ceste raison & respōce satisfait à vostre question & demande.

¶ G v i l. Pource que vous faictes profession de la Loy cōme de la medecine, en suite de cest incident & de ceste di-

greilhon touchât la puberté (moyennant que ne vous ennuyé) ie vous demanderois volontiers, pourquoy la Loy prescrive tēps précis à la puberté, l'an douzième complet aux femelles, le quatorzième aux masles, pour à raison dudit tēps, pouuoir legitimement & seurement contracter mariage & tester, ou non, veu que la puberté resmoignage de puissance, de suffisance & capacité, ne gist pas en temps, ans, mois, et iours, (seuls toutesfois cōsiderez par la Loy pour la cōcession et licence, ou pour l'empeschement, prohibition et deffence) ains en la faculté, vertu & force du corps & de l'entendement, demonstrée par la puberté & presumée en icelle, en quelque temps qu'elle aduienne ou apparaisse : car le mariage & le testament requierent iugement & intelligence du faict, de son importance & de sa fin, & le mariage, vertu & force generatrice.

S. v. Puberté ethimologiquemēt & veritablement, ne s'entend point de l'andouziēſme & quatorziēſme, mais ethimologiquement du temps de la lanuginoſité naturelle & premier poil, dictē pubes, en quelque temps qu'elle apparoiſſe : & ſelon la raiſon & la verité, du temps que l'homme à puiſſance d'engēdrer, preſuppoſé par ladicte lanuginoſité au temps qu'elle apparoit, iugement de teſter, en quelque aage, année, mois, iour & heure, que cela aduiēne. Et pour veritablement, iuſtement & ſelon raiſon, faire & ordonnēr les choſes, faudroit, ſans conſiderer ny temps ny aage pour ces effets, contempler, regarder & conſiderer les corps, l'entendement, leurs vertus, forces & ſuffiſances, pour en l'apparēte vertu du corps à génération, et de l'entendement à donation et diſpoſition dernière, conceder ou denier les ſuſdits actes, en quelque temps & aa-

Symptomes de la Coqueluche
ge que soit, tellement que selon la rai-
son ame de la Loy tousiours à cōsiderer,
l'homme male ou femelle, capable en
la dixiesme année de vertu generatrice,
selon l'apparence du corps, & de raison
selon les discours, deuroit estre de tout
droit admis, ausdits actes : & les incapa-
bles par défaut des signes & iugemens
susdits, en l'antrentiesme, n'y deuroient
point estre receuz. Les histoires, & Mon-
sieur Maistre Laurens Ioubert Medecin
des Roys de France & de Nauarre, Do-
cteur en Medecine de Mont-Pellier au-
teur tres-veritable, en ses liures des Er-
reurs Populaires, rendent tesmoignage
de quelques femmes engrossies en l'an-
neufuiesme & dixiesme de leur aage,
tēps de leur vraye puberté. Toutesfois
pout tout ce que dessus, ne faut point
condamner la Loy, sa decision & ordō-
nance, touchant le temps de la puberté
inuiolablement gardé en tout le pays de

proit escript, & de vraye raison naturelle & cōmune : mais faut dire que la raison irrefragable, à cōtraint prescrire tēps precis pour ses actes naturels, d'autant qu'il ne seroit possible ny bien seant, considerer & remarquer visiblement es indiuidus infinis, les susdits signes & témoignages naturels, de vraye naturelle & corporelle puberté, obscurs, difficiles & honteux; souuent plus internes que externes: et d'autāt que l'age de douze ans cōplets, aux femelles, et de quatorze, aux males, à esté trouuē et iugē par raison commune, propre & conuenable pour tous, pour le premier et plus aduancé, par loy perpetuelle et inuiolable, aux pays de son obeissance, à esté baillé, ordonné et prescrit, la necessité commune, & l'impossibilité cōtraignāt a faite des loix generalles et perpetuelles; iustes en la cause et occasion, et souuent iniustes en cas particuliers seuls

considerez. *et syntu sh y8 qm dnoioy*

G. v. 114. Ceste question touchât la pû-
berté sur tous les points des loix incidē-
ment proposée, parfaitement resolue
& decidée, retournons au point d'icelle
medecinal, qui proprement nous touche,
qu'est l'hœmorrhagie de gré & naturelle.

S. v. J'ay amplement et suffisamment
pour ce faict, parlé de l'hœmorrhagie
naturelle des personnes saines. Reste a
parler de celle qui est contre nature, et
singulierement de celle de nostre Coque-
luche. En mon traité de peste, j'ay am-
plement montré que l'hœmorrhagie contre
nature, est celle qui se faict au preiudice
d'icelle, hors temps, par voyes non con-
uenables, en quantité desmesurée, et
auec prostratiō. En maladie, celle est dite
bonne, qui se fait par la vertu et force de
nature et en iour critique: mais en nostre
Coqueluche quasi toutes les Hœmor-
rhagies se sont yeues au beau commen-

cement et aux premiers iours, iours de crudité, de mauuaife signification et esperance, en euacuation. Ceste difficulté se peut resoudre de ceste façon. En la maladie de sang générale ou particulière, l'hœmorrhagie de tout temps, et en tout temps, faicte par vertu naturelle est bonne. Aux fieures synoches continues, la spontanée de vertu et force naturelle, na pas accoustumé venir qu'en crise, et iour critique, pource que les maladies generalles de tout le corps, et de matiere contenue dans les gros vaisseaux, aigues, se iugent et terminent critiquemēt, et en iour critique, à cause du fort et cruel combat, qui se fait ce iour là, la grāde et intollerable irritatiō que nature souffre. Mais en nostre Coqueluche, l'hœmorrhagie du nez, n'est point de maladie, ny de cause vniuerselle, mais de maladie, et partie particuliere, comme de la Céphalalgie et de la teste, opprimée

Symptomes de la Coqueluche

de sang imperueusemēt cōflué du beau
cōmencement au cerueau, de son mou-
uement, vraysemblablement yaporeux,
spiritueux et onereux, lequel sang se fait
voye par sa tenuité & acrimonie reserā-
te, par les veines du nez superficielles,
menues et rares, soudain qu'il y est par-
uenu ou brieffement, euacuant la cause
et matiere du symptome maladie parti-
culiere, & consecutiuelement de la gene-
rale, siueur, comme se feroit par mission
artificielle, de section de veine du bras,
tellement que par celle hœmorrhagie
spontanée du nez, ou artificielle suffisante,
tout à vn coup le symptome et la ma-
ladie, s'en vōt, encores que soit au beau
cōmencement & sans crise, et de ma-
tiere comme crue: car le seul sang pe-
chant & cause, n'a point besoin de con-
coction, secretion et separation, ains de
seule euacuation. Et voila comme aux
maladies seulement de sang, vniuersel-

lès & particulieres, les euacuations hœ-
morrhagiques spontanées, ou d'art, cō-
uiennent en tout temps. En nostre Co-
queluche, semble que l'hœmorrhagie ne
se peut faire que par le nez, ou rarement
par autre part, d'autant que la Cæpha-
lalgie de fluxion de sang au cerueau, son
symptome premier & du beau cōmen-
cement, perpetuel & inseparable, esti-
mé de la plus part, la maladie mesme, à
cause de son sentiment, plus fascheux &
grief, & de la signification ethymologi-
que, attire & euoque à sa teste, le mou-
uement & la matiere faisant la maladie,
onereuse & euacuable, *iuxta illud dolor
attrahit*. Et le cerueau greué de sang,
toufiours naturellement, commodemēt
& fort profitablement, se descharge par
l'hœmorrhagie du nez, ou souffre vne
longue & griefue douleur, Phrenésie ou
autre symptome. Il est vray que quelque
fois le sang de la moyēne region esmeu

Symptomes de la Coqueluche

se rue & fait violence au dedans de la poitrine, à ses parties rares, debiles, excitant perineumonies, pleuresies & semblables inflammations, comme c'est veu en quelques vns. Les pleuresies fauses, ont esté frequentes & communes en ceste maladie, & autres catharres et defluxions faictes du cerueau, sur les parties supposées & inferieures, avec douleur en la partie receuante. Les susdites ont procedé de mesme cause & occasion. L'on a veu aussi de phrenesies subites, causées, comme ie croy, de ce sang spiritueux, vapoureux, bilieux, fluant soudainement & impetueusement au cerueau, gueries incontinent par ladite hæmorrhagie spontanée ou artificielle.

G v i l. Les syncopes & morts subites, aduenues à quelques vns durant ceste maladie, et à cause d'icelle, ont procedé de la cause maligne, voire extrêmement veneneuse, pour la sympathie, familiari-

ré & correspondance de quelque maligne & veneneuse Cacochimie latente, rencontrée en ses corps. Car la maladie n'a pas de foy telle malignité, l'autremēt en fussent morts infinis, ce quē non, & la plus part de ceux qui sont morts, de ceste maladie, ont esté pōures, d'estituez de secours et de nourriture conuēnable & necessaire, personnes naturellement imbecilles & debiles, femmes enceintes, remplies à cause de la grossesse, d'excremens, de la Cacochimie symbolisante, par suppression longue de l'euacuation naturelle, familiere & vsitée à ce sexe. Ioint que l'auancement & auortemēt fort dissipant et prosteruant, excité par la malignité de la contagion intollérable à l'enfant tendre & delicat, ou par la violence cōtinuelle de de l'importune Toux, & cruel vomissement, seuls cause frēquēte d'auortement, peuuent auoir donné voye à la mort.

Symptomes de la Coqueluche

¶ G v i l. Quand à la fièvre suruenue en ceste maladie, de qu'elle nature & matiere la faictes vous :

¶ S v. Iela dy de toute matiere, spiritueuse c'est à dire vaporeuse, faisant l'ephemere simple, ou produite : ou d'humorale Sinoche, pure ou putride, aux corps fort impurs & cacochimes. La benignité qui s'est veue quasi en toutes les fièvres de ceste maladie, et les sueurs du beau commencement profitables, ont montré la fièvre n'auoir esté quasi tousiours qu'ephemere, y a il autre symptome à examiner :

¶ G v i i l. Ie n'en sçay aucun autre digne de production : car le sommeil profond quasi de tous, ne merite point nom de disposition contre nature, d'autant qu'il ne s'en est pas veü vn vrayement Soporéux, Lethargique & Comateux, la matiere fluée au cerceau, ayât esté benigne, vaporeuse, ou briuelement euacuée par

Hæmorrhagie: mais venons aux Signes.

DES SIGNES DE LA CO-

queluche. Dialogue 111.

SVAY. Je croy qu'il n'y a eu aucun Signe, au moins cogneu, demonstratif & prenonce de ceste maladie. Aussi nul Astrologue Almanachiste, Ephemerien, la preueue ny prediète, d'autant, comme ie croy, que le Soleil n'a donné perceptiblement d'un si subit precipice sien comme cõtre nature vniuerselle, & particuliere siene, aucune signification premiere. Estant aduenü plustost ainsi subit & estrange, d'un iugement vniuersel de Dieu sur tous les hommes.

GVYI. Vous croyez donc ceste descente de Soleil extraordinaire subite, & comme faicte en un moment. Toutes-fois plus vray semblablement est faicte peu a peu: car nature abhorre estrange-ment ces mutations violentes, & soudaines, iouxte l'Aphorisme d'Hipocrates,

Signes de la Coqueluche

& tresprudente qu'elle est au gouuernement de son Monde, ne se pourroit tant oublier, de permettre, ou conuiuer, vn si estrange, subit, & preiudiciable precipice, d'vn tel corps celeste tres-admirable.

S v. Veritablement si la descente du Soleil estoit naturelle, et d'ordonnance de nature vniuerselle & particuliere elle ne pourroit estre si subite: mai Dieu tout puissant vray auteur, comme à faict toutes creatures en le disant, aussi quand il luy plaist, les meut, mue, change, altere, et destruit briefuement & subitement. Et ainsi puis qu'vn faict si vniuersel prompt & estrange comme nostre maladie, ne peut estre naturellement, bien que l'instrument soit naturel, rapportons le au iugement de Dieu secret a nous inconnu, & à sa volonté prouoquée par les pechez de tous les hommes: car puis que c'est mal & peine, ce que tous les hommes souffrent, il faut necessairemēt

conclurre que tous les hommes ont vniuersellement, aigrement, & griefuement failly, d'autant que les iugemens fort generaux & vniuersels, ne se font que pour grãde cause & occasion, et pour les tres-enormes pechez de tout le mode. ceste punition, ce iugement vniuersel, ne se pourroit dire d'espreuue, d'autant que les tentatiõs sont particulieres, non vniuerselles: ioint que les bonnes tentatiõs, ne sont mandees, ny donnees, ny aduiennent qu'aux enfans de Dieu: mais en vne si abominable corruption presque de tous les hommes, intollerable au ciel & aux elemens, comment pourrons nous presumer ceste bonne tentation, plustost croyons que ce iugement vniuersel, est vn tesmoignage de la prochaine disinction du monde, consolation au petit nombre des esleuz, desespoir, ruine & perdition au grand nombre des pecheurs, non penitens & obstinez. Pour significa-

Signes de la Coqueluche

tion de la presence de la maladie, nous auons pour signe Pathognomonique essentiel & necessaire, les trois ou quatre symptomes complicez, à sçauoir Cephalalgie, Anorexie, Toux, Prostration, les autres bien que frequens, demeurans plus equiuoques.

G. VII. Venons au Pronostic, dernier chapitre de la pathologie de la Coqueluche.

S. VI. Le plus considerable, remarquable & veritable pronostic, qui se puisse tirer de cè faict vniuersel & estrange, en cause, & en effect, est, que la disinction du monde, le iugement dernier general approche. Pour le pronostic Phisique naturel, nous disons, qu'aux pays & regions calmes & tranquilles, froides et Septentrionales, d'air gros et crasse, et aux corps cacochimes, la maladie sera plus facheuse, grefue, perilleuse et longue, d'autant que l'air, et les corps sont plus aisez à putrefaction,

trefaction, ny infection, & symbolifans à la contagion. Aux pays & regions chaudes, meridionales, feiches, la maladie & contagion fera plus prompte, mais plus briefue, à cause de la vertu diffipante, cōsumante & purifiante de l'ardate chaleur. Semblablement aux lieux & airs battus & agitez continuellement, des vents Zephiriens & Boreals très-secs, de semblable effect. Aux corps & temperamens bilieux, transpirables, la contagion sera facile, mais legere, de petite durée, briefuemēt curable par sueur & hœmorrhagie. Aux corps humides, gras, pleins & redondās, comme ceux des femmes, des paresseux, & sedentaires, la maladie sera accompagnée d'endormissemens, de vomissement, de lōgue toux, prostration & Anorexie, à cause de la redondance de la pituité fort relaxante, euaporâte & distillante. Le temperament froid & sec, terrestre melācholique, fera fort re-

Signes de la Coqueluche

pugnant & rebelle à la contagion, inflammation & putrefaction, principalement en la substance humorale, tellement qu'en iceluy la contagion seulement potentielle, latente, obscure & profonde, difficilement se reduira en acte, pour la repugnance de la matiere. L'homme de temperament sanguin, robuste fort & vigoureux, en la faueur de la vertu & force de son bon temperament, resistera au mal, & à la contagion, & frappé s'en deliurera promptement par Hoemorrhagie. L'hiver, l'Automne, la Prime, à cause de la plénitude & redondante humidité excrementeuse, corrompible & inquinable des corps, constipation des pores & meats, crassité de l'air, la contagion sera plus difficile. Le grand esté chaud, sec, purifiant, dissipant & consumant mettra fin au mal ia commencé.

*THERAPEVTIQUE DE LA
Coqueluche. Dialogue IIII.*

GVILLEMET. Il me semble que nous sommes au temps & au lieu, de parler de la preservation, & curatiō de ceste maladie, vraye fin du Traicté, fort desirée & attēdue du lecteur & auditeur, mais encore plus du malade, souvent tourmenté & affligé de fascheux & cruels symptomes. Donc de charitable & pitoyable compassion, & commiseration, dictes promptement pour les sains paoureux craintifs & effrayez, ce qu'appartient à la preservation, & pour les frappez & touchez implorans l'aide & secours de Dieu et de ses remedes, tout ce qui conuient pour la curation.

S v. Vous m'avez fait assez parler en tout le discours Pathologique, ie me voudrois reposer durant toute la Therapeutique: ma langue de secheresse tient à mon palais, pource s'il vous plaist prenez le propos, & d'amitié en mō repos, pour le seruice de Dieu & du prochain,

Therapeutique de la Coqueluche
propolez vostre ingenieuse & artificiel
le pratique fort louée de tous.
G. VI. L. le ne voudrois point refuser à
Dieu, à vous, & à mon prochain, pour
lesquels m'estime né, aucune chose de
mon deuoir, mais d'autât que vous estes
au fil de vostre conception, touchant la
doctrine de toute la matiere, pour nous
tenir en la douce symphonie du pres
mier traict & fil, & euitter la dysphonie
que mon propre stile et l'agaige neces
sairement diuers du vostre pourroit por
ter, ie suis d'aduis, nō pas pour m'esparg
ner, mais pour le contentement des lec
teurs, et auditeurs, ia accoustumez à
vostre discours & stile, que nous chan
gions point de rolle ny de personnage.
Et pour humecter vostre gorge, langue
et fleute, ie feray apporter de bon vin
Greioys, ou de douces confitures selon
que vous aymerez mieux.

DE LA PRÉSERVATION
de la Coqueluche Dialogue III.

SVAV. Je suis tant à l'amour, que ie ne
sçay rien refuser. Nous auons dict
cy dessus, que ceste maladie affecte &
infecte necessairement tous les hommes
actuellement ou potentiellement, tant
de nostre emisphere que du supposé des
Antipodes, à raison de la cause vniuer-
selle, necessairement et ineuitablement
agent sur tous les hommes de tour l'vni-
uers, à sçauoir le Soleil par sa soudaine
alteration, mutation et cheute, comme
troublé ou defaillant à son droit, natu-
rel & accoustumé vsaige, regime, gou-
uernement et seruice enuers les corps
inferieurs, et singulieremēt enuers l'hō-
me, la plus propre creature, estans l'air
et l'homme ainsi subitement et estran-
gement alterez et immuez, et comme
corrompus pour l'occasion susdite. S'il
est ainsi, la disposition potentielle, (cō-

Preseruation de la Coqueluche

me les Astrologues afferment) n'est aucunement euitable ny preseruable, contre vne cause si vniuerselle, efficace iusques aux plus profondes entrailles de la terre, et necessaire, et difficillement l'actiue. Toutesfois puis que l'air est l'instrumēt ou la cause mediate, ou proprement l'efficiente et infectante, à fin de n'attribuer rien de mal, de soy à ce trespur, tresp-amiable, tres-excellent corps celeste Dieu à plusieurs idolatres, par sa soudaine alteration malignement et veneneusement comme corrompu au defect dudit Soleil, ou de son droict et accoustumé regime viuifiant, purifiant, et conseruat, et par esleuation des mauuaises et malignes vapeurs excitées des elemens inferieurs, par mesme occasion comme corrompus, il semble que contre l'acte et disposition actuelle y à quelque preseruation, mesmemēt aux corps des hommes purs, en se retirant a vn air

tenu, subtil agité, alteré & purifié par bons vens; ou par vertu d'une chaleur ardante naturelle ou artificielle solaire, ou ignée. Et ainsi l'air repurgé brièvement de la corruption qu'il pourroit avoir acquise, & tirée par ceste soudaine alteration du Soleil, l'homme disposé tant seulement, se preserve & garantit de la peste. Car, comme ie croy, ceste vicieuse & contagieuse disposition latente & potentielle, aux corps purs, & au lieu & air pur ou legerement alteré, corrompu & infecté, n'est pas facilement excitable, et ne se peut facilement reduire en acte, ou de durée, tellement que ceste alteration, & corruption contagieuse de l'air en sa substance tenue, facilement dissipable & discussible, en toutes ses mauuaises qualitez, peut estre au moyē de bons vens et chaleurs naturelles & artificielles, et toute sorte de purification, facilement dissipée, repurgée estainte:

Preservation de la Coqueluche

et par consequent les corps repugnans, à la contagion & disposition actuelle, en la vertu de leur fort robuste tēperamēt, preseruez de l'acte, et purifiez de la disposition potentielle. Donc pour la preservation de l'acte, est bon voire necessaire, tenir les corps nets, purs, repurgez de toute humidité, or dure & superfluité d'excremens, et cacochimie fauorable et symbolisante au mal et contagion, facilement suiette a putrefaction et infection : et cela par bon regime de viure, diette tenue, excercice conuenable, aux corps simplement redondans & plethoriques : par purgations moderées, benignes, reſſerées et repetées, non exagitantés ne debilitantes aux corps cacochimes, à fin de ne rien esmouuoir, et simplement oster le fauorable et symbolisant au mal. Après ou ensemble, est bon munir et armer le corps de bonne vertu alimentaire, cardiaque & alexite.

re contre la cōtagion actuelle, & singulièrement de la force & vertu diuine du vin, experimenté bon & tref-assuré preseruatif & curatif, remede & aliment tref-agreable : pour ceux qui l'aborrhēt l'vsage du bon vinaigre en oxicrat portable avec du sucre, pour le bruage, & pour condiment, ou les syrops acereux, de vinaigre, de limons, de citrōs, de grenades, de raisins vers, d'ozeille & sēblables, par soy ou avec l'eau sont fort propres pour la preservation. En la maladie fort contraires, à cause de leur aigreur fort preiudiciable, à la toux, essentielle perpetuelle & inseparable. Brief tout ce qui purifie, amplement d'escrit en nostre *Traité de peste*, conuient icy admirablement.

G V I L. C'est assez dict de la preservation, venōs à la curatiō derniere partie.
C I V R A T I O N D E L A C O
quelque. *Dialogue* V.

Curation de la Coqueluche

SV A V. Nature & l'Art guérissent les maladies, mais plus proprement nature tres-puissante tres-sage & tres-aduifée à son deuoir, & tres-curieuse, soigneuse & industrieuse à la conseruation de ses creatures: l'Art seulement imitateur & coadiuteur. Par ainsi en la curation des maladies, il faut premierement regarder nature, ses vertus & forces pour les employer a la curation, seules, si sont suffisantes d'elles pour la necessité requise: Si sont inferieures, les restaurer, fortifier & augmēter. Or le moyen de conseruer la vertu forte, corroborer fortifier & augmenter la debile, est appliquer le propre, familier & comme consubstantiel, qu'est la nourriture conuenable. Puis donc qu'il faut en toute curation principalement regarder & contempler nature, ses vertus & forces, luy faire bien, propre & cōuenable seruice et secours, pour la necessité de la

maladie, nous commencerons nostre curation par la diete & regime de viure, y comprenant les choses dictes non naturelles : mais d'autant que ceste partie est amplement deduite, voire pour le regard des maladies contagieuses, en nostre Traicté de peste, ie renuoye la ceste matiere, et me contente pour ceste maladie en particulier adiouster, que le premier iour toute viande & nourriture doit estre interdite, aux parauāt sains & robustes, ou doit estre fort petite, avec vn seul hidrelée eau bouillie cuite, peu salée, laquelle pourra seruir au vomissement, quand sera esmeu, pour le rendre plus facile & aisé : à la difficulté de la respiration, dilatant la poitrine : et à la Toux & expectoration, lenissant les trachées, & preparant la matiere. Le second iour le mesme bouillon pourroit suffire à vn corps fort et robuste, plus cuit & plus salé, contre le vomissement

importun, avec vn iaune d'œuf pour la nourriture, et vn peu de safran excellent cardiaque contre la contagion, sans ia-
mais oublier le vin tres-singulier, & tres-
efficace cardiaque & aliment, de qua-
lité et quantité conuenable, pour cor-
roborer. Aux autes iours, ayāt tousiours
esgard aux particulieres proprietez, au
temperament, aage, temps, vertu et for-
ce, faut conceder, voire contraindre à
plus de nourriture, tousiours selon la
necessité, l'anorexie symptome essentiel,
continuel et perpetuel, garde bien d'ex-
cez et de superfluité : iusques à ce que
l'effort expulsoire de nature, par sueurs,
Hœmorrhagie, ou autrement soit fait.
La ou il est presumé & esperé, faut gar-
der la chambre, pour ne donner empe-
chement au mouuement de nature, sou-
uent diaphoretique, tres-subit et tres-
necessaire, en purifiant tousiours l'air de
l'habitation, infecté de ceste contagion,

infectant d'auantage le malade, et nouuellement les sains seruiteurs, souuent amis & parens, contre le deu du malade à eux. Pour le regard des remedes & medicamens curatifs, pour la maladie presente, d'autant que la cause veritablement efficiente du mal present & indiuidu, est la contagion contenue en la matiere spiritueuse & humorale, engendrée par inspiration de l'air, & de soy, pour le deffault de l'influence solaire naturelle & reguliere, vegetatiue & preseruatue de corruption il faut combattre, chasser & estaindre, ladiete contagion, par resolution & dissipation de la matiere spiritueuse, & euacuation de l'humorale qui la contient, ou l'estaindre et estoufer par vertu des alexiteres formellemēt antipathiques, ou par vertu de nature cordialement corroborée, Nature prudente & imitable, euacue la cause internemateriele, prochainevraie

Curation de la Coqueluche

& indiuidue, contenue aux esprits & humeurs, heureusement & seurement, par sueurs & Hœmorrhagies. Donc pour curation nostre principale intêtion doit estre, d'esmouuoir briefuemēt les sueurs pour la resolution & dissipation de la matiere vaporeuse, seule plus souuēt affectée & infectée, ainsi que les frequētes fleurs ephemerēs monstrent, par diaphoretiques ensemble cardiaques & alexiteres: comme avec les eaux de chardon benist, d'escabieuse & semblables, recentemēt tirées, *in balneo maria*, plus promptement & efficacemēt actiues, en toutes leurs facultez formelles & elementelles (sans aucune dissipation, de ceste façon radicalement & parfaitement extraictes) que la decoction plus crasse, & dissipée & exhalée en la plus grand part de sa vertu formelle & elementelle, & substance aérée & ignée, pour la prompte penetration, resolutiō,

discussion & dissipation de la matiere peccante de la fieure, plus requise, aussi par l'eau de la decoction, retuse & hebetée. Les Alchimistes sont bõs tesmoins de l'excellence des distillations sur les decoctions, mais avec ses eaux faut mesler vn peu de Theriaque ou de Mithridat, plus efficaces cardiaques, alexiteres & diaphoretiques en leur vieillesse. En deffaut des sueurs, & en griefue Cœphalalgie, doute & presumptiõ de quelque inflàmation interne, à cause de l'emotion furieuse des humeurs, faut pro-uoquer l'hæmorrhagie du nez, demonstrée par la douleur griefue de la teste pleine & turgente, & par la rougeur de la face & sèblables signes. Et en deffaut de l'espõtannée, pour euitier les griefs symptomes Cœphaliques Capitaux, ou du Thorax, est bon voire requis, faire deriuation euacuatiue par sectiõ de l'hymenale Cœphalique contre les symptomes

curation de la Coqueluche

de la teste, ou basilique, contre ceux de la poitrine, proches ou presens. Il est vray qu'il est fort vtile, attendre tant que nous pouuons, le mouuement de nature en dehors, et ne l'anticiper, troubler ny diuertir, chose perilleuse aux maladies contagieuses. Toutesfois en ceste maladie, l'euacuation superieure est fort agreable & vsuee à nature, tellement qu'en euacuuant superieurement, en defait des sueurs, & en Coëphalalgie ou autre symptome, des parties du dessus du diaphragme, ne faut craindre le tort du mouuement inferieur, rare, suspect & odieux à nature. Et de fait quand le ventre s'ouure par force de la cacochimie, non euacuable par autre part, le malade est en grand tourment & peril: & ainsi est bon tousiours attendre le mouuement de nature, tant que faire se peut, sans le preuenir, precipiter, interrompre ny esmouuoir par cathartiques

ques au moins autresqu'eccoprotiques, et fort benins, et ne s'est veu flux de ventre en ceste maladie, ou rarement, que fort mauuais : sur la fin et comme par crise est plus tollerable. Bref s'en sont veuz plus mourir en ceste maladie de trop medicamenter, que peu ou nullement, retenus au seul regime de viure conuenable, ou pour le moins se faut contenter des seuls eccoprotiques, diaphoretiques cardiaques et alexiteres pour les internes. Et voila tout ce que me semble appartenir à la preservation & curation de la maladie en general.

CURATION DES SYMPTOMES de la coqueluche.

Dialogue VI.

CVILLEMET En vostre Therapeutique ne s'y trouuera-il quelque chose pour les symptomes, souuent plus vrgens et importuns que la maladie.

SVAV. Elle n'est pas si sterile qu'elle

Curation des symptomes de la coqueluche
ne par-fournisse tout le requis et neces-
saire.

G VII. Ayons d'oc tout ce que conuiet
à leur curatiō, afin que l'œuvre soit par-
faicte et accomplie. Et tenans l'ordre de
leur d'escription, commençons par la
Cœphalalgie premier symptome en la
pathologie.

S V. Cela est perpetuel et necessaire de
guerir toutes dispositions contre nature,
par leur contraire ostant la cause, *quia*
ablata causa tollitur effectus.

G VIII. *Distingo, de causa coniuncta,*
constituente, essentiali, presente concedo: de
antecedente, remota nihil amplius agente,
nego : mais que faisons nous, nous par-
lons latin? Votre axiome à lieu aux
causes qui constituēt la chose, essentiel-
les et inseparables, et aux symptomes
semblablement perpetuels, à ce que par
ablation de la maladie, leur cause, eux
mesmes se trouvent osterz : mais il y a

des symptomes dispositions contre nature, qui tant qu'ils se font dependent de la maladie leur cause, mais vne fois faicts et parfaicts, font maladie d'eux mesmes, de soy et par soy: et de disposition de sympathie & de consentement, se font d'ydioopathie & par elles, lesquelles, quand elles sont faictes ydiopathiques, ne dependent plus de la maladie, qui les à premierement faictes & engendrees, pour avec icelles & en icelles seules viure & mourir: mais consistent de soy mesmes, encores que la premiere defaille, comme se voit ordinairement en plusieurs dispositions de sympathie, se faisans apres propres & d'ydioopathie: toutesfois elles ont tousiours vne cause coniointe & constituante, en laquelle elles ont leur estre & substance, leur vie, & leur mort quand est ostée. Et par ce moyen l'axiome propose demeure veritable & perpetuel, que *ablata causa*

*Curation des symptomes de la coqueluche
nempe propinqua, coniuincta & constitu-
ente tollitur effectus.*

S v. La belle enuie qui me prend par
vne petite digression, de debatre & re-
foudre la difficulté & questiō de la cau-
se cōiointe, que Fuchsius pense & veut,
ie ne diray point oppugner, mais expu-
gner par tout vn liure expressement fait:
occasion a plusieurs de douter d'icelle.

G v l. Quand à la digression que de-
mandez pour la resolution de la cause
conioincte, creuë & affermée par Fuch-
sius totalement faulse, & par plusieurs
douteuse, non seulement ie la vous o-
ctroye & donne, mais la requiers tres-
instamment de tout mon cœur & credit,
pour mon instruction particulièrement,
et pour le contentement d'infinis.

S v. Ie la veux rendre veritable, certai-
ne & visible, aux plus lourds & grossiers,
à la grande confusion de Fuchsius & de
ses aduersaires: non par force d'argumens

& de doctrine, mais par vne petite demonstration, & par d'eux exemples familiers & vulgaires. Toutes choses sont par leurs causes, et rien n'est que par cause, excepté Dieu: des choses qui se font, les causes sont l'efficiente, la materielle, l'instrumentale & la formelle. La finale est pour le mouuement & l'intention de l'agent: la chose faicte à pour son essence deux causes la matiere & la forme, est en icelles seules, & par icelles, tant que sont ensemble pour son effect. La chose est l'œuvre & l'effect de la copulation & vnion de la matiere et de la forme, tellement que la matiere en soy ny la forme, ne sont pas la chose, mais ensemble la constituent & font. Et ces causes s'appellent conioinctes, c'est à dire, constituantes et essentielles. Exemple, vne robbe n'est pas de soy, mais est par ses causes, lesquelles sont l'estoffe & la façon & forme que l'ouurier luy dô-

Curation des symptomes de la coqueluche
ne. Il ne se peut nier que perpetuelle-
mēt l'estoffe ne soit la matiere et la cau-
se materielle de la robbe; et l'estoffe
seule par soy et seulement considerée ne
fait point la robbe, ouy biē ainsi taillée,
assemblée et formée, pour parement et
couuerture de l'homme cause finale. La
forme, figure & cōformation seule, n'est
pas la chose, ouy bien la matiere l'estof-
fe, ainsi accommodée et formée. Autre
exemple de medecine. La tumeur ma-
ladie est vne eminence contre nature &
ce que s'ensuit. La tumeur est de matie-
re eleuante, ceste matiere faisant faire
l'eminence et eleuation, est la cause ma-
terielle de la tumeur coniointe, consti-
tuant la chose ensemble avec la figure
et forme. Et la matiere cause coniointe,
n'est pas la chose la tumeur, cōme Fuch-
sius veut, ouy bien l'eminence de ceste
matiere, ny l'eminence seule, ouy bien
avec la matiere. Cecy me semble de

voir suffire pour la resolution de ceste difficulté et question, et pour suffisamment enseigner les Fuchsiens ennemis iurez de ceste cause, confirmer, affermer & fortifier le vacillans et hesitans.

G V I L. Pour mon regard ie suis content et bien satisfait de ceste difficulté, et suffisammēt enseigné, plus par la clarté, vertu et force des exemples images de la verité, que par la doctrine toujours aucunement obscure, laquelle ne parle qu'à l'oreille et à l'entendement, et les exemples materiels visibles, aux yeux, tres-efficaces, certains, indubitables & infalibles tesmoins et iuges d'une chose. Et suis non seulement suffisamment enseigné pour moy & mon contentement, mais pour enseigner & contenter les autres. Or reprenons nos erres, et retournons a nostre Cœphalalgie douleur de teste nostre premier symptome, et à sa curation. Tout symptome

Curacion des symptomes de la Coqueluche
l'ætion d'action, effet essentiel & insepara-
ble de la maladie sa cause indubita-
blement se guerit avec icelle, et par
consequent nostre douleur de teste, af-
fermée de tous symptome læsion d'a-
ction. Mais ie vous demande de quelle
maladie, pour avec icelle se guerir et
curer : car nous proposons icy la Cœ-
phalalgie comme symptome effect læ-
sion d'action, de nostre Coqueluche ma-
ladie, pour avec icelle sa cause, se curer
et guerir infalliblemēt et necessairemēt,
suiuant l'axiome tres-veritable et per-
petuel, *ablata causa tollitur effectus*. Et
toutefois la Coqueluche maladie peut
cesser, la douleur de teste encores per-
seuerant, & s'estant faicte de symptome
& disposition de sympathie, disposition
d'ydioopathie : auquel cas la Cœphalal-
gie ne se guerira point avec la maladie
sa cause, contre la verité, tres-vraye, de
l'axiome propose, ou des deux axiomes,

à ſçauoir que la cauſe oſtée, l'effet ceſſe, & la maladie ceſſant le ſymptome læſiō d'action. S'il vous plaist vuidez nous ceſte difficulté.

Sv. Les axiomes ſont perpetuelz, & autant veritables que la verité, mais il les faut entendre : car ſimplement prins et mal entendus peuuent engédrer beaucoup d'erreurs. Quand au premier axiome *de morte effectus in interitu cauſa*, de la mort & deſtructiō de l'effet en la mort & deſtructiō de la cauſe, cela s'entēd de l'effect eſſentiel, perpetuel & inſeparable de la cauſe, et de la cauſe coniointe & conſtituante auſſi inſeparable de ſon effect. L'autre axiome que le ſymptome læſiō d'action ceſſe la maladie ceſſant, s'entend cōme le precedant, & eſt celuy meſme ſoubs autres mots & vn petit pl^s ſpeciallement: car læſiō d'action eſt effect eſſentiel & inſeparable de maladie ſa cauſe, la maladie eſtant cauſe perpe-

Curation des symptomes de la coqueluche.
tuelle conioincte & constituante, de læ-
sion d'action. Exẽple paralytie est sym-
ptome læsion d'action (entant que le
membre vrayemẽt & parfaictement re-
solu ne sent ny bouge) d'obstruction
mauvaise cõformation, maladie, sa cau-
se: si vous osterz l'obstruction & mauuai-
se conformation, indubitablement la
Paralytie effect & symptome læsion d'a-
ction d'icelle obstruction cessera, & le
membre blessé en son action d'abolitiõ,
sentira & remuera. Maintenant faut voir
si nostre Coephalgie est des effets, des
symptomes de nos axiomes, pour selon
leurs determinaisons consister & perir
en leur cause & maladie.

G V I L. Les auteurs disent la douleur
estre symptome læsion d'action en de-
prauation: si cela est, indubitablement
nostre Coephalgie est de l'axiome &
luy appartient, pour estre ensemblemẽt
& necessairemẽt avec sa maladie curée,

guerie et ostée, mais de quelle maladie sera-ce symptome, d'intemperie, ou de solution de continuité seules causes de douleur, ou de toutes deux ensemble. Toutesfois me semble que douleur n'est point symptome l'esion d'action: car l'action des instrumens sensitifs particuliers et communs, est bien le sentiment, mais la lesion de ce sentiment, doit estre en diminution, ou deprauation, ou abolition. En la douleur, le sentiment ne souffre aucune diminution, autrement la douleur seroit stupide, et toutesfois est aigue et moleste selon la force de l'intemperie, ou de la solution sa cause, et la disposition de la partie patiente mal et avec douleur affectée: il n'est pas aussi depraué: car il sent naturellement et véritablement, selon son droict et naturel usage ce que l'afflige: autrement l'on n'auroit point iugement vray, de la nature et espece de la douleur et de sa cause pour

Curation des symptomes de la coqueluche
y remedier proprement. Il est moins a-
boli, puis qu'il ya douleur, effect et signe
de sentiment. Donc douleur n'est point
symptome lésion d'action, pour estre
perpetuellemēt & inseparablemēt avec
sa maladie, viure & mourir avec elle,
comme est de son deuoir, naturel & ne-
cessaire. Aussi nous voyons la maladie
à sçauoir la solution de continuité, estre,
& perseuerer sans douleur en plusieurs
playes & vlcères, contre le droict d'un
symptome lésion d'action, continuel &
perpetuel avec la maladie, pour cela di-
cte maladie selon la definition: et sans
lésion d'action, la maladie n'est point: ar-
gumens & raisons fort suffisans voire ne-
cessaires, ce me semble, pour nous faire
audacieusement affermer encores que
paradoxiquement la douleur n'estre
point symptome lésion d'actiō. Je vous
prie, selon vostre bonne & louable cou-
stume, & la dexterité de vostre entende-

ment, dire vostre aduis de cecy, sans respect de moy ny d'aucun.

Sy. Quand il est question de donner sentence contre des Arrests de tout vn monde de medecins, tirez en force de cause iugée, receus & approuuez de tout temps, faisant droit, iuste, bon & veritable, ce qui est de soy iniuste & faux, il me semble, sous vostre correction, que vous ne m'en deuriez point faire iuge, pour ne me mettre en opinion de reuoquer en doute toutes choses, troubler le repos & le commun consentement, condâner les choses resoluement resolues, decises & arrestées par tous, & de toute memoire : faict certes capital en choses de police : mais bien, puis que vous hazardez tout premier la proposition & le iugement, suiuant vostre opinion, ie dis avec vous (bien que contre tous, la douleur n'estre point symptome lésion d'action, par vos irrefra-

Curacion des Symptomes de la coqueluche
gables raisons, bien que soit effect naturel, essentiel, perpetuel & continuel de la solution de continuité, *in fieri*, en partie sensible.

G v i l. Mais quoy, penseriez vous que la douleur de solution ne fust que tant qu'elle se fait, & non quand elle est faicte. Je n'ay iamais veu, leu, ny ouy eeste restriction, & comme de chose nouvelle & non ouye, i'en desire pour tous faisans profession de medecine & de chirurgie, bone & ample exposition. Et que ces digression n'ennuiet personne: car elles sont singulieres & d'ingenio & valent le proposer.

S v. La verité de ceste restriction ne peut estre par vous niee, si ne voulez dementir la verité tres-vraye & vos propres sentimens: car cobien voyez vous, de playes & d'ulceres sans douleur, certes infinies. Et ainsi pour verification de ceste verité commune & visible, n'est

besoin d'aucune preuue, ny d'aucun tefmoignage, plustost esmerueillons nous comment ce fait & ceste question tant vible n'a esté encores proposée. Du fait nous ne pouuons estre que d'accord: mais le plaisir & la doctrine sera en la raison.

G v i l. Moy qui suis chirurgien & qui verse iournellement en ces matieres, ie ne puis nyr, qu'il ny ait plusieurs solutions de continuité playes & vlceres, quelque fois et quelque téps sans douleur: voire avec delice, plaisir et volupté extreme, comme les gales et vlceres prurigineux: & souuent avec desplaisir et douleur. Mais dictes nous s'il vous plaist les causes et raisons de cela?

S v. Les solutiōs de continuité, *in fieri*, c'est a dire, tant qu'elles se font, ont & donnent douleur, d'autant que nature consistant, en & par vnion, ne veut, ny peut souffrir (amoureuse de ses creatu-

Curation des symptomes de la coqueluche
l'vniuerselle, & la particuliere de soy &
de son subiect) la des-vnion en l'animal,
sans luy donner prompt aduertissement
par sentiment douloureux, de la ruine
et destruction du corps, domicile & ha-
bitation de l'ame sa forme et des facul-
tez : pour empescher et oster le mal et
sa cause tant qu'il est, *in fieri*, et se faict,
mais quand la solution est faicte, nature
veut qu'il n'y ait plus de douleur, d'au-
tant qu'elle ne peut estre non faicte, et
en chose faicte, conseil est prins, c'est à
dire, n'est besoin soy doulour, tourmen-
ter ny affliger pour l'empescher & faire
qu'elle ne soit, mais paisiblement repa-
rer le perdu & le ruiné, et reioindre le
solu, dissout et des-vni. Si la douleur
duroit tout le temps de la solution de
cōtinuité faicte & iusques à sa re-vnion,
cela seroit contre l'intention de nature
qui ne fait ny veut que tout bien à l'hō-
me, luy ayant donné sentimens agrea-
bles

domingo. Dialogue. VI. 49
bles et douloureux: les agreables en
l'obiet plaisant & delectable, pour l'ap-
petit, delectet, et l'usage de cē qui est bon,
naturel, propre, conuenable, recreatif,
nutritif et cōseruatif: les douloureux, en
l'obiet moleste, pour la p̄seruation et
conseruation contre toutes choses con-
traires, *inferi*, encores evitables et qui
se peuuent p̄seruer. Et seroit d'accu-
ser enuers l'homme son chef d'œuvre
de cruauté, le nommer point hostile ny
brutal, mais infernal, de le laisser
ainsi cruellement en peine, durant tout
le tēps de la solution et de fusion, sou-
uent de plusieurs iours, mois & ans, aux
playes de grande contusion et de per-
dution, et par fois avec fractures, voire à
iamaïs en vlceres & acœches & malins,
disepulotiques & chironiques. Et seroit
faire de la vie de l'homme donné de
Dieu pour benediction, vne mort et vn
enfer au corps & à l'ame (voire de l'hō-

Curation des symptomes de la coqueluche
me de bien souuent par hazard et par
meschancee d'autrui blessé: car propre-
ment, c'est l'ame qui souffre et sent la
doulueur en son sens commun, receueur
& premier iuge sensitif des bonnes et
mauuaises idées rapportées à soy par
les sens particuliers. *¶* Mais cōment se peut cela fai-
re, que les instrumens sensitifs nerfs et
esprits, bestans en la partie solite et dis-
iointē, maintenant sentend douloureux-
sement tant que la solution se fait, main-
tenant non quād elle est faite, et le mal
est plus grand, plustost deuroit estre le
contraire, à sçauoir que le mal cause de
la doulueur persenerant et fait plus grād,
la doulueur deust non seulement conū-
nuer, mais augmenter iusques à la de-
clināison. *¶* La doulueur passion, pre-suppose
tousiours son action son agent et mal
faisant, pour cela dictē passion à raison

Dialogue juy. 50
de l'agent tant qu'elle se fait, laquelle
action, faicte & parfaicte, l'agent cesse
d'agir & le patient de parir. Ainsi donc,
en nostre solution de continuité, la dou-
leur passion est et afflige, tant que la
cause trenchante, diuellante & rongée-
re, tranche tire & ronge: mais quand la
cause externe ou interne cesse de tail-
ler, ronger, des-vnir, mal et douloureux-
fement affecter, necessairement la pas-
sion & la douleur cessent, nonobstant
les nerfs et esprits, et l'aptitude de la
partie au sentiment & à la douleur: car
la partie souffre l'acte douloureux de
solution, tant que l'obiet et la chose
des-vnissante des-vnit: & les nerfs et
esprits souffrent, reçoivent et rappor-
tent au sens commun, l'impression & l'i-
dée du contact douloureux, tant que se
fait et l'obiet moleste touche, dissout
et des-vnit les parties sensibles, et non
plus auant. Et ainsi voila comment de la

Curation des symptomes de la coqueluc,
volonté et ordonnance de nature tres-
amie de l'homme, de sa subsistance, de
sa vie tranquille & paisible, et par moyen
et occasion naturelle, la douleur cesse,
la solution actuelle & *in fieri*, et l'agent
cessant. Et c'est la tres-vraye cause et rai-
son de la cessation de la douleur en la
solution faite: non que souuent en la
playe & vlcere faicts la douleur n'ad-
uienne, mais c'est pour nouuelle cause
et solution, d'air, d'humeur poignans,
mordicans & vellicans quelque nerf ou
fibre nerueuse.

G. VI. L. Vous me laissez fort resolu de
ce nouueau doute & question touchât
la douleur, mais retournons à nos bri-
fées. Je ne sçay si ceste grande & ardue
digression, vous aura fait oublier vostre
reprise.

S. V. La Coephalalgie nostre premier
symptome, en tant qu'elle est douleur,
a esté cause de ce tres-ample discours

mais retournons à elle, et la disons symptôme de nostre Coqueluche, non pas lésion d'action, par les inexpugnables raisons cy dessus proposées, mais coincidente disposition, non de foy ny d'auenture, ains par occasion d'icelle, estât son perpetuel & inseparable effet, à cause de sa plus grande antipathie contre la vertu du temperament & de la chaleur naturelle, recteurs & gouuerneurs des matieres vaporeuses & humorales, frain & btide contre leur debordement & furie, laquelle antipathie en tât qu'elle debilite grandement les vertus naturelles, trouble nature en son droict regime et gouuernement enuers les corps, les parties & facultez, est cause du furieux mouuement des humeurs & vapeurs à la teste, voire de leur nouvelle generation en la partie & en tout le corps. D'ou procede ceste Coëphalalgie, simple ou compliquée d'autre dis-

Curation des symptomes de la coqueluche
position, benigne ou aspre, selon la nature du temperament & de la matiere fluée, leur qualité & quantité: car la matiere vaporeuse dequoy qui soit, principalement de sang pur & de pituite, engendre vne tensiō legiere & sans acuité. La matiere humorale l'engendre plus forte, griesue & pōdereuse & plus douloureuse. La curation de ceste Cœphalalgie, si elle estoit symptome l'esion d'action de la Coqueluche, sa cause cōioincte constituāte & inseparable, seroit la sienne: mais la Cœphalalgie n'est point l'esion d'action, par les tres-vrayes et necessaires raisons cy dessus proposees, ny symptome & effect essentiel, naturel & perpetuel de la Coqueluche, ouy bien coincidente disposition et par accident, mais est symptome vray, perpetuel & inseparable de la solution de cōtinuité, que la tension, piquēre, morsure & arrosion de la matiere fluée, es-

meuë, excitée, irritée et prouoquée,
 par la malignité de la contagion conte-
 nue en tout le corps & en la partie, plus
 antipathique contre les vertus & facul-
 tez naturelles & leur humeurs, procure
 et fait. Et ainsi la vraye, propre & infai-
 ble curation de ceste Cœphalalgie,
 symptome et effet essentiel & perpetuel
 de solution de continuité en parties sen-
 sibles, c'est la curation de la solution de
 continuité sa maladie cause conioincte
 et efficiente, par ablation & euacuation
 de la matiere distendante, diuellante, ar-
 rodante, piquante & vellicante; cause
 materielle antecedente plus prochaine,
 et par repression de la malignité et con-
 tagion esmouuëte cause premiere. L'e-
 uacuation de la matiere Cœphalalgi-
 que vaporeuse se fera par resolution &
 dissipation diaphoretique: l'humorale
 sanguine par hemorrhagie spontanée
 ou artificielle: l'autre par absces ou en-

Curation des symptomes de la coqueluche
semblemēt par resolution et dissipation
des sueurs: les purgations, par le ventre
inferieur par cathartiques, en maladie
contagieuse, est toujours dangereuse,
si nature forte ne l'esmeut par louable
crise. Les repercutifs autremēt propres
en toute Cœphalalgie par sympathie &
consentement, durant tout son commen-
cement & augment, tant que l'eua-
poration & fluxion dure, ne conuient point
en maladie maligne ne veneneuse, pour
ne repousser le venin vers les parties in-
ternes nobles, vitales & viuifiantes, qui
taschent de s'en descharger. Et ne feroit
pas aussi tollerable à la teste, aussi partie
noble, plus propre siége de l'ame et de
ses facultez, si l'on n'espéroit sa prompte
descharge par hæmorrhagie du nez, ou
par absces parotidiques en ses prochains
excretoires. Et en desespoir de c'est
effort si en necessaire, faudroit par di-
uersion hæmorrhagique humerale eua-

cuer la matiere. Et voila ce qui me semble, pour la curation de ceste Coephalgie de Coqueluche.

G V I L. Venons à l'anorexie second symptome en ordre?

S V. Nous auons dit cy dessus en la pathologie de ce symptome, qu'il prouiet de la debilitatiō & prostration des vertus naturelles, et principallemēt de l'appetitrice propre à l'orifice de l'estomach, animallement, aussi y a il sentiment animal: car toutes les parties du corps appetent, attirent, embrassent, cuisent et assimillent naturellement, laquelle debilitation & prostration soudaine, prouient de l'antipathie de la contagion plus diametrale, comme à esté dict, contre les vertus naturelles & leurs visceres, ne cuisans n'assimilans presque rien, à cause de la debilitation, causée par ladicte contagion, tellement que l'aliment et les humeurs alimentaires

Curation des symptomes de la coqueluche
semblent redonder & regorger. Le remede contre ce symptome, est oster la cõtation, par euacuation de la matiere spiritueuse & humorale qui la contient, par les moyens cy dessus mentionnez naturels & artificiels, & par cardiaques, alexiteres, aussi stomachiques de vertu elementelle & formelle: le vomissemēt moderé est singulierement profitable et conuenable pour l'euacuation de la matiere cõteneue au ventricule par haut: par bas, le *Hiera Galeni*, cathartique de la seule premiere region, ensemble corroboratif, cardiaque et alexitere, & fort contraire aux vers frequēs en ceste maladie. La cõtation avec sa matiere ostée par medicamens, apres contre la dissolution, debilitation & prostration simple restée, faut vser interieurement de corroboratifs, alimens familiers tres agreables, non medicamenteux tousiours desplaisans & contraires à l'appetit. Le vin

Dialogue vi. 54
vermeil genereux & stiptique, restaura-
tres-singulier est fort propre, prins et
fomenté deuant et derriere l'estomach,
pour sa particulière corroboration, et
pour tout le corps en bain avec l'eau re-
quise, principalement quand ny a aucu-
ne fièvre.

G v i l. De la Toux fort ennuieuse &
dangereuse que voulez vous dire?

S v. La cause de la Toux, est la matiere
fluée ou refudée du cerueau & des poul-
mons comme dissoults aux trachées, re-
nirant par sa viscosité & crassitie, ou elu-
dant par sa tenuité; pource que la deflu-
xion et refudation à causes anteceden-
tes & coniointes internes, et souuēt des
externes procatartiques toutes actiues,
les faut toutes considerer & oster selon
leur ordre, premierement la procatar-
tique, chaleur colliquante, et froideur
comprimante & exprimente encores
actiue, par temperation de la chaleur et

Curation des Symptomes de la Coqueluche
froideur, en quoy qu'ils resident ou de
quoy que prouiennent. Apres faut ve-
nir aux internes, et premieremēt à l'en-
tecedente encōres actiue: et si la debili-
tation et dissolution du cerueau & de
poulmons fluans et resudans, contractée
par l'antipathie prosternante de la con-
tagion encōres perseuere, faut oster ce-
ste contagion maligne par alexiteres,
corroborer le cerueau et les poulmons
debilités, par efficaces corroboratifs ele-
mentaires et formels Cœphaliques et
pulmonaires. Et ne faut point douter
que comme il y a des choses qui nuisent
formellement et de toute leur substāce,
par antipathie formelle et substantielle,
ny aye aussi qui de simpathe et familia-
rité substantielle et formelle profitent:
cār Dieu a chasque chose mauuaise, de
son infinie & incomprehensible bonté, à
créer la contraire bonne. Et de ceste fa-
çon l'on fera cesser la resudation et de-

Dialogue VI. 55
fluxion procédât de debilitation a cause de contagion. Si la plénitude et redondance du cerueau greuâte, est aussi cause de la defluxion, comme est tousiours vray semblablemēt en nostre maladie, à cause de l'impetueuse fluxion des vapeurs & humeurs à iceluy demonstree par la griefue, et opiniastre Cœphalalgie, la faut detraire et soustraire par hœmorrhagie spontanée naturelle ou artificielle en matière sanguine, l'excrementeuse la faut semondre et extraire par errhynes benignement: celle des poulmons se doit tousiours euacuer par expectoration, avec deue preparation incraissant la matiere tenue eludente, & attenuant la crasse, visqueuse, rebelle: nō par purgation cathartique: car comme nous auons monstree cy dessus, nature abhorre aux maladies cōtagieuses malignes, l'euacuation du ventre. La matiere des errhynes et Bechiques est fa-

*Curation des symptomes de la coqueluche
milierè en la médecine: Si la Toux estoit
accompagnée d'une dyspnœe et anhelation,
comme aux pulmonaires et phisiques
d'accident ou de nature, pour le
danger de l'Apnœe et soudaine suffo-
cation, est besoin diligemment suppri-
mer la defluxion, preparer la matiere à
plus facile expectoration, voire en trop
grande et dangereuse irritation, stupe-
fier par Edlegmes narcotiques le senti-
ment de la partie irritée, dilater la poi-
trine par remèdes relaxans prins et ap-
posez contre la cuisson du gosier et
du Larynx, engendrée par l'acrimonie
de l'humour sentie en ceste maladie par
plusieurs; les Bechiques arteriaques le-
nitifs & en peu desiccatifs conuiennent.
Et voila quand aux remèdes contre la
Toux, susb. y. c. d'istom. pour ap-
-Giv. S'en suit le vomissement.
-S. v. Le vomissement presuppose irri-
tation au pectricule, & ensemble rela-*

xation en plusieurs: mais d'autant que l'irritation est quelquefois animale, sensible, en vertu de la faculté sensitive contenue aux parties nerveuses, autrefois seulement naturellement (cause de l'expulsion naturelle des choses onereuses en tout le corps & toutes les parties vivantes cartilagineuses & osseuses animale, ment insensibles) il faut faire distinction des irritations et causes d'icelles: car pour supprimer le vomissement fâcheux, faut ôter l'irritation animale, ou seulement naturelle & sa cause. En nostre maladie la cause du vomissement peut estre elementaire ou formelle, ou ensemble animale, ment ou naturel, ment tant seulement sensible, à sçavoir la contagion formellement antipathique, ou l'humeur elementaire, ment ou aussi formellement contraire & irritante. Contre l'irritation formelle et elementaire contenue en l'humeur propre du vètri-

Curation des Symptomes de la coqueluche.
cule ou de la moyenne region, impetueusement et furieusement fluante, le remede est l'euacuation par le mesme vomissement ayde et moderé selon la necessité: car le vomissement par cause materielle comme est tousiours, se guerir par soy mesme entant que l'euacuation soit que irrite formellement & d'antipathie comme les venins formels, ou elementairement. Il est vray qu'à fin que le vomissement soit salubre & curatif, faut regarder si nature cōsiste, gaigne & profite en iceluy, et si la matiere reiettee est contre nature, & alors le faut tollere, voire faciliter en sa difficulté par vomitours. Et si le vomissement est trop importun et proferant, toute fois encores necessaire pour l'euacuation de la cacochymie maligne intolérable, comme en la maladie dicté cholere suruenant a nostre maladie, alors faut tout bellement reprimer l'excès & l'importunité, & restaurer

et restaurer nature, ses vertus et forces selon la dissipation, debilitation et prostratiō. Les remedes vomitoires en difficile vomition, doiuent estre relaxans ensemble cardiaques et alexiteres. La Theriaque et Mithridat fidellement cōposez à tout singuliers et tres propres, ne doiuent iamais estre oubliez, pour reprimer l'intollerable emotion et l'excez prosternant, et mesmement apres que visiblement la matiere maligne est euacuée. Les reuulsions & frenations en furieuse impetuosité, conuiennent, comme les ventouses, frictions, ligatures & semblables : les potions aussi narcotiques ensemble cardiaques et alexiteres, comme la Theriaque recente, en vne irritation et esmotiō intollerable et implacable, profitent merueilleusemēt.

G VII. Le flux de vêtre, tant cōtre nature & perilleux, aux maladies contagieuses & malignes, demāde ses remedes.

Caration des Symptomes de la coqueluche
S^v. Puis que nostre deuoir, nostre charge, nostre intention & vouloir est, pour droite fin de nostre art, preseruer et conseruer la vie & la sante de l'homme, contre le mal et la mort autant qu'il plaira à Dieu, ie n'ay garde de m'oublier au plus fort symptome. Le flux de ventre ne doit estre iamaïs prouoqué, en maladie et matieres malignes veneneuses & contagieuses, d'autant que nature superieure, tousiours se descharge d'icelles par l'habitus, et le flux de ventre suruenant principalement au commencement est gradement à redouter, et aux maladies pestilentes quasi tousiours mortel : et sur la fin par voye de crise vtile. Ainsi en nostre maladie, si le flux de ventre diarrhee, aduient au commencement en la crudité, tenons le suspect, et reprimons l'exces prosteruant, en corroborant tousiours nature, non que le supprimons. Car le faut (ie ne dy

pas fuire pour le prouoquer) mais tol-
 lérer voire benignement faciliter, s'il est
 difficile et douloureux : car aux mala-
 dies legerement malignes comme la
 nostre nature, en fait souuent profit, ain-
 si que nous auõs experimenté sur la fin.
 Après la concoction & separation est
 très seur & salutaire. Le diarrhœe cho-
 leric c'est à dire accompagné de vomif-
 sement, par son mouuement contraire
 impetueux, demonstre plus de furie, de
 violence de prostration. Contre le sim-
 ple ou compliqué en difficulté doulou-
 reuse, faut vser de facilitation anodine
 (comme à esté dict) ensemble corrobo-
 rante. En Hypercatharse, de repression
 et suppression par remedes prins, sup-
 posez, et apposez sur les gros vaisseaux
 de la moyenne region contenãs la ma-
 tiere furieusement esmeuë : la Theria-
 que nouuelle narcotique, cardiaque &
 alexitere satisfait à tout, reprime la ma-

Curation des Symptomes de la coqueluche
lignité & venin par sa faculté alexitere,
la furie et irritation elementaire par sa
faculté narcotique, temperant l'acrimo-
nie de la matiere, & stupefiant le senti-
ment trop aigu, & corrobore le corps, sa
vertu & toutes ses facultez, formellemēt
& elementairemēt cōtre la prostration

G v r l. L'æmorrhagie euacuāt le sang,
thresor de la vie, aliment & nourriture à
toutes les substāces du corps, spiritueu-
ses humorales & solides ne veut pas e-
stre oubliée.

S v. Nous auons en nostre pathologie
sur ce point, dict & amplement discoursu
l'vtilité & incōmodité de l'æmorrhagie,
& cōme en maladie de sang auenāt na-
turellemēt & par vertu naturelle, en quel
que tēps qu'elle aduienne, est tousiours
bonne, & plus seuremēt en crise & iour
critique louable. Ceste-cy reglée et mo-
derée, euacuant seulement le subiect &
cause du mal est simplement bonne, et

n'a besoin de remede [elle eſtāt le meſme remede tres-ſingulier, tres ſalutaire & neceſſaire] non pas ſeulement par maniere de dire de corroboration quant à elle : car c'eſt elle qui proprement corrobore oſtant le mal debilitant, et la corroboration qu'eſt requiſe apres l'æmorrhagie, eſt pour reſtaurer reſtituer & remettre, ce que la maladie auoit deſtruit & demoly, & nature par l'æmorrhagie ſon moyen & remede de reconvaleſcence, à commencé de reparer. Il eſt vray qu'un ſi bon, vtile & neceſſaire remede d'æmorrhagie, ou autre quelconque euacuation critique, ne ſe peut faire, ſans enſemble avec la mauuiſe matiere cauſe du mal, laiſſer diſſiper et aller quelque peu de la bonne ſubſtance ſpiritueuſe, & de la chaleur influante, nature (comme à vne victoire de bataille) ne pouuant tenir parfaite moderation & meſure, pour garder de ſ'afoi-

Curation des Symptomes de la coqueluche
blir en la poursuite de la victoire. Mais
si ceste hæmorrhagie par excès hyper-
catharse debilitoit par trop, est necessari-
re vser de repression & suppression, par
reuulsions, interceptions, incrassatiõs re-
frigerantes voire vn peu narcotiques,
en grãde rebelliõ & contumace, prin-
sés & apposées à la regiõ de l'espine, sur les
gros troncs des veines prochaines du
lieu de l'æmorrhagie. En nostre ma-
ladie, l'æmorrhagie du beau commen-
cemēt sans crise, à esté experimētée, fort
utile & salutaire, d'autant qu'elle se fai-
soit par l'impetuosité du sang furieuse-
ment esmeu, & par la vertu de nature
intolérable a l'irritation elementaire
& formelle du sang, cõtagieusement af-
fecté et infecté. Doncques en nostre ma-
ladie, au deffaut des sueurs & de l'æmor-
rhagie spontanée, les deuons par art es-
mouoir: l'æmorrhagie par section de
veine, quand la redondance & la plei-

Dialogue vi. *60*
nitude, ou le mouuement du sang est de-
monstré et appert, vray semblable quasi
tousiours en ceste maladie, pour raison
des frequentes hæmorrhagies spon-
nées qui se voyent quasi en tous mala-
des de Coqueluche, suffisante occasion
d'ouurir la veine à tous, pour vn plus
propre & conuenable remede mon-
stré par nature tresdocte & tres-fidelle
medecin, imitable tousiours en ce qu'il
le forte & victorieuse fait, sur et contre
la maladie inferieure.

G. V. Les Syncopes images de mort
& mort à vn doigt, tât horribles, effroya-
bles & perilleux, ne pourroient estre
oublies en vostre therapeutique sans
grand reproche, ny les morts subites
veues en quelques vns à cause de ceste
contagion.

S. V. Quand a la mort ie ne vous diray
autre chose que ce que Salerno diet, *Con-
tra vim mortis non est medicamen in hortis.*

Curation des Symptomes de la Coqueluche

La seule patience est remede nō pas au mort, mais a ses amis suruiuans esplorez. Il est yray, que bien que contre la mort auenue n'y ayt point de remede, si est-ce que contre l'apparentemēt imminente preseruable, y a preservation, tant qu'il plaist à Dieu : laquelle se fait seurement aux maladies pestilentes & de contagion particulieres, par le moyē vulgaire de trois mots, non pas portez en brief forcierement, mais effectuez, citō, longē, tardē : s. mais nostre Coqueluche est vniuersellement par tout j. Et en toutes par cestui-cy aussi verbal, semblablement effectué, citō pæniterē, peccata longissimē fugare, & non relabi, plus seur. Pour preseruer contre le syncope redoutē de ceste contagion, & toute mauuaise & maligne qualité contenue en matiere, faut euacuer la matiere du venin son subiect, par les moyens & regions conuenables, munir le cœur &

la vertu de bõne corroboration alimē-
taire cardiaque et alexitere. Contre le
syncope present de cause materielle va-
poreuse ou humorale, faut vser de tou-
tes reuulsions, comme de frictions, li-
gatures, ventouses continuelles, & d'ap-
plications aromatiques cardiaques &
alexiteres sur le cœur, l'estomach deuāt
& derriere, vrais sieges du syncope, sur
les temples, les carpes, le nez, & par
odeurs & suffumigations de semblable
vertu & effect. Le vin genereux cardia-
que diuin moderé, & pour ceux qui l'a-
borrhent antipathiquemēt, auxquels est
cause de syncope, le bon vin-aigre, re-
medes vulgaires, & familiers, profitent
admirablement de qualité et vertu for-
melle, restaurant promptement les es-
prits, par familiarité de substance sem-
blablement aérée & ignée, subitement
penetrable en tout le corps, & par ver-
tu celeste & diuine, et par qualité & ver-

*Curation des Symptomes de la coqueluche
elementaire, dissipante, discutiente.*
G Y A L. A la louange & vertu que vo^s
donnez et attribuez au vin, si ie ne vous
cognoissois, ie vous penserois quelque
biberon Bachiste, et de ce que vous n'a-
uez quasi pour tous vos remedes, que
le vin, la Theriaque, le Mithridat, et pe-
tit nombre d'autres communs et fami-
liers plus alimens que medicamens, que
vous ne fussiez que medecin de douzai-
ne, mais vous estes tres sobre, et vos es-
crits de vostre inuention, par occasion
inopinément presentee en la Peste &
Coqueluche de la presente année, non
de transcription ny de compilation, re-
ceuz & estimez par des celebres do-
cteurs medecins, mōstrēt qu'il y a quel-
que fonds en vous, bien que tard & en
voz vieux ans, & contre vostre premie-
re vocation de la Loy, de l'aisne hūc
toutes autres lettres de quinze à vingt
ans, ayés embrassé la medecine. Enquoy

Dialogue vi. 62
reluit l'admirable puissance & bonté de
Dieu, quand il vous a donné cœur de
reprêdre les lettres oubliées; & moyen
en peu de temps faire en la médecine
le profit que môstres, Aluy en soit en la
gloire.

S. V. Mon profit aux lettres est bien pe-
tit, mais tel qu'il est, volontiers ie le cō-
munique. Vous proposez mon histoire
pour exciter tout homme à toutes let-
tres, et faire tousiours bien esperer de
toute bōne entreprinse. La raison, pour
quoy ie me tiés en tous mes deux Trai-
tez à la seule doctrine compendieuse &
briefue, & aux seuls preceptes, sans a-
masser ny emasser les gouffres & abis-
mes des recipez d'infinis auteurs, le
plus souuent faiets sans science, & seule-
ment transcrits de l'un à l'autre, est com-
m'ay remonstré en passant en mon Trai-
té de peste, pource que l'homme & la
maladie en indiuidu se guérissent par

Curation des Symptomes de la coqueluche
propres & speciaux remedes, à cause
des proprietéz particulieres de tous les
corps, au temperament general & parti-
culier des parties. Et cōme ny a iamais
eu deux hommes parfaictemēt sembla-
bles en figure, ny aussi en complexion &
temperature, toutesfois messieurs les
auteurs praticiens, en toutes maladies
ont prescrit remedes en vne forme pour
tous. Il est vray qu'ils ont quelques par-
ticuliers respects aux temperamens &
aux humeurs, mais c'est en general : car
ils disent bien pour le temperamēt san-
guin, pituiteux, Bilieux, melancholic, &
pour le sang, la phlegme, la Bile flaue, la
noire, faut cecy, faut cela, mais lean san-
guin, pituiteux, cholere, melancholic, est
il semblable à Pierre aussi sanguin, phleg-
matic, cholere, melancholic, pour estre
tous deux subiects à vne maladie & à
vne curation parfaictement semblable,
non veritablement. Et certes chacun à

des proprietéz & des differences en toutes les parties de son corps fort notables & à considerer. Autrement s'il y auoit parfaicte similitude en tout le corps, aux temperamens & humeurs, pour les dire subiects à mesme maladie & a mesmes remedes, faudroit qu'en ceux là les mœurs fussent semblables, suiuant la sentence de Galien qui dict, *Animi mores temperamenta corporis sequuntur*. Mais les mœurs sont en tous differentes, voire nonobstant la semblable & commune institution & nourriture, ainsi donc les temperamens, & par consequent nulle curation peut parfaictement conuenir à deux, en tous les ingrediens & toutes les doses de la composition. Mais vous me direz, Galien à bien fait deux liures de Recipes, appelez, *Secundum Genera, Secundum Locos*, & quasi tous les auteurs anciens Grecs, Arabes, Latins, & infinis modernes. Il

Curation des symptomes de la coqueluche
est vray, mais à la niene volonté qu'ils
ne leussent pas fait: car ie m'assure
qu'eux mesmes n'oseroient dire, que
leurs remedes ainsi generallement pres-
crits pour toutes les maladies particu-
lieres, pussent proprement conuenir à
tous les malades d'icelles, et qu'il ne soit
besoin & necessaire en tous les particu-
liers, chager, detraire & adiouster quel-
que chose, tant des ingrediens que des
doses, pour les faire proprement et iu-
stement, comme est necessaire, satisfai-
re à tout le requis du particulier mala-
de. Et toute fois tous les Empiriques et
ignorans, les prennent sans iugement ny
discretion, comme ils les trouuent aux
auteurs, et appliquent aux particuliers,
ce qu'ils prescriuent en general, en co-
siderant tant seulement la maladie en
soy, non au particulier indiuidu, remet-
tans les particulieres considerations &
propres accommodations pour les par-

ticuliers, au iugement de doctes medecins. Et ainsi les prescriptions des auteurs, ne doivent point estre exactement imitées & ensuiuies aux maladies particulieres & indiuidues, ains seulement prinſes pour instruction et adreſſe de ce qui conuient à la maladie en general, non de ce qui compete à Pierre, à Iean, pour leurs particulieres proprietiez à l'occasion de leurs propres temperamens, nature, aagez, du temps en ſoy, & de la maladie, ſentimens plus ou moins exactez, particulieres ſympathies & antipathies enuers & contre les medicamens, leur ſauueur, odeur, forme, en ceſte façon & à ceſte ſeule fin autant profitables principalement aux nouices medecins, que dommageables autrement & exactement prinſes. Pour n'approuuer donc ceſte façon de prescrire generalement, fort pernicieuſe à cauſe des empiries dānables, & pour ne don-

Curation des symptomes de la coqueluche
ner moyen aux ignorans & imposteurs
Empiriques d'abuser de mes prescrip-
tions, ie nen veux mettre aucune en mō
Traite. Et à la mienne volonté que tout
tant qu'il y en a, puis qu'elles sont occa-
sion de si grands maux, & de tant de
morts, fussent bruslées, principalement
celles des receptaires des apoticairez
toutes particulieres, ou que ceux qui les
font & employent, fussent contraints
pardeuant personnes capables, rendre
compte et raison de la cause & fin de
leur prescription, de la vertu de tous les
ingrediens, de l'occasion de toutes les
doses particulieres & vniuerselles. Et
ceux qui satisferoient à cela iustement
ordōneroient. Mais combien s'en trou-
neroit-il. Des apoticairez & empiriques,
pas vn, aussi n'ont il pas la sçience : des
medecins moins que ne seroit a desirer.
Ie vous demāde si ces prescriptions im-
portans de la vie, ainsi ignoramment &
par

par hazard faictes, doiuent estre tolle-
rées, se sauue qui pourra la barque est
rompue. Messieurs de la Iustice de no-
stre pays, sont bien aduertis des mor-
tels abus qui se commettent ordinaire-
ment en tous les estats de la medecine,
en ayant esté poursuiuis quelques vns
pardeuant eux, si le negligent, mal pour
tous. Maintenant ie viens à la raison:
pourquoy en tous mes remedes pota-
bles & deuorables, ie ne nomme parti-
culieremēt que le vin, le vin-aigre, l'hy-
drelée, les sucz & syrops acides, la The-
riaque, le Mithridat, & le *Hiera Galeni*,
& semblables: c'est pource qu'ils sont
fort propres & suffisans à nostre inten-
tiō, & sont à bon cōpte pour les pauvres
malades assez affligez du mal, sans les
affliger d'auātage en excessiue despen-
ce, quasi a tous, au temps que nous som-
mes plus ennuyeusc que la maladie. La
pauvreté et indigence est vne cruelle

Curation des symptomes de la coqueluche
maladie, & les medecins de nostre tēps
veulent guerir vne maladie par vne plus
grande, qui est l'insupportable despence.
Les remedes donnez, ou de bon cō-
pte, prins des pauures a legrement, pro-
fitent admirablement, et les cherement
vendus, pour l'apprehension mauuaise
de la despence profitent bien peu. Tou-
tes les consideratiōs m'ont esmeu à fai-
re ces petites & familieres descriptions,
ioint que ne se'n peuuent faire de meil-
leures et pl^{us} propres pour ceste maladie
& ses symptomes, en ce qu'elles peuuent
seruir, qu'est quasi en tout: car les vrais
scop^s & fins pour la curation de la ma-
ladie sōt esmouuoir les sucurs, euacuer
benignement, corroborer nature, repri-
mer la contagion: pour euacuer beni-
gnement ensemble corroborer, repri-
mer la pourriture, oppugner les vers
frequens, le *Hiera Galeni*, sacre reme-
de est tres-singulier & de petit pris.

pour oppugner la contagion & esmouvoir les sueurs, la Theriaque & le mithridat : pour fortifier, restaurer promptement les esprits, les vertus, le cœur & les parties nobles est le vin genereux, pour cela plus efficace que tous les electuaires plus artificiels, quels myrobolans, qu'elles poudres cordiales, qu'elle confection *Alkhermes*, de *Hiacyntho*, de *Gemmis* qu'ils sçachent receuoir : ioint que les susdicts electuaires effcinaires, efficaces seulement en leurs ingrediēs, sont souuent composez de meschante matiere, comme celuy de *Gemmis*, qui est fait principallemēt de pierres precieuses, quelles pierres y sont mises par quelques appoticaire. Ceux qui les ont preparez & veuz preparer en sont bons tesmoins, si en cognoy de fort gens de bien que ie nommerois volontiers, si ie ne craignois leur exciter des enuieux. En outre les matieres de tous ces ele-

Curation des symptomes de la coqueluche
Etuaire qui se conseruent en poudres
subtilement pulueris  es,    s  auoir mon
si ne se dissipent dans le long t  ps qu'el-
les sont gard  es, tellement qu'en fin ne
sont que terre. Bref, ie ne suis point for-
fant pour par longues prescripti  s avec
noms Arabes estranges & horribles ef-
blouir les yeux des ignorans. Ie ne veux
point aux desp  s des pauvres malades
trop affligez, faire gagner les bons c  -
pagnons apoticaire, comme plusieurs
medecins disent. Ie ne point aussi faire
   profiter les brumes & vieilles drogues
corrompues & gast  es. Ie suis resolu
n'estre pas support & conuiuece mac-
quereau des infidelles & desloyaux a-
poticaire, comme sont plusieurs mede-
cins fecaux, yrinaires, viliaques & for-
diles, pour le profit d'un clistere ou d'une
puante vrine : ie veux preferer mon
deuoir & ma conscience    tous respects :
en moindres frais que ie pourray trai-

ter les malades : espargner leur bien cō-
me le mien : procurer leur santé cōme
la miēne : leur faire comme ie voudrois
estre faict à moy-mesme. L'auarice des
medecins & apoticairez est cause de
tout le mal susdit. Aussi en commun pro-
uerbe ilz sont dictz, d'essence auares, &
enuieux, comme les Barbiers glorieux :
sauf quelques vns qui font violence à
ceste disposition & inclination. Mais ie
ne m'en estonne point : car plusieurs des
medecins sont tirez de la pauvre & mi-
serable pedenterie, & des apoticairez
de la condition seruile, & de tous beau-
coup de la vile & sordide Iuerie (L'aua-
rice torsionnaire de medecine est con-
cution & tyrannie à la Nøblesse & Iusti-
ce.) Voila tout ce que vous m'avez con-
traint de dire, pour mon excuse contre
ma chiche Therapeutique particuliere
que vous m'avez honnestement repro-
chée. Reprenons nostre matiere prin-

*Curation des symptomes de la coqueluche
ciple.*

G VII. Nous sommes à la fièvre symptome : ie m'estonne comme vous la mettez si dernière veu qu'elle est maladie vniuerselle, en elle & en sa cause fort remarquable.

S v. D'autant que quasi à tous ceste fièvre à esté ephémère, en tout benigne d'elle mesmes, & par nature seule à la première sueur & hœmorrhagie spontanée sans autre remède, curable, en ma Therapeutique ie n'en ay pas fait encores cas. Toutesfois si dirons nous cecy d'elle, qu'estant simplement ephémère, si nature neglige la resolution & dissipation de la matiere, de crainte que ne se rende d'autre nature & humorale par sa perseuerance, mesmement en corps & humeurs corrompues qui se peuvent enflammer & pourrir, faut par art procurer ceste resolution & dissipation son vray & vnique remède. Si la fièvre est

synoche comme facilement s'engendre aux corps plethoriques, la faut estaindre par hœmorrhagie spōtanée ou artificielle : si elle est putride & de caco-chimie, faut preparer la matiere à concoction & separation, & les voyes pour leuacuation : reprimer la putrefaction & la malignité, & attendre l'euacuation par la voye que nature se voudra choisir, luy tendre la main à son effort pour son soulagement : car elle dominante & forte, par foys & le plus souuent & plus seuremēt s'esmeut à l'habitus, produisant affluantes sueurs quand la figure est sans autre malignité : mais quand elle tient du venin, elle produit morbilles ou absces aux emunctoires : si elle se meut vers le ventre, c'est par infirmité, & contre le naturel vsage des maladies malignes & contagieuses. Par ainsi faut estre diligent à sa corroboration, par cardiaques & alexiteres. Ainsi pour ne

Curation des symptomes de la coqueluche
faillir & interrompre le mouuement de
nature qu'il faut regarder et attendre, la
faut attentiuelement contempler. Quand
elle produit ou demonstre morbilles,
faut vser de diaphoretiques ensemble
cardiaques & alexiteres, comme des
sulfites eaux & compositions, pour ay-
der & faciliter l'expulsion, corroborer
nature & reprimer le venin. Aux absces,
interieurement les mesmes conuiennēt
contre le regrez, et topiquement les
anodins sans aucune astriction, de ver-
tu aussi alexitere & epispastique, si na-
ture se voyoit paresseuse, lesquels ab-
sces rompus, l'usage des mondificatifs
soit long & iusques à ce que vray sem-
blablement tout le malin & veneneux
ait resudé et transpiré.

G V I I. Aux douleurs suruenues à au-
cuns aux costez, Pleuresies vrayes ou
fausses, à autres aux articles & ailleurs,
que ferez vous?

S v. Ces douleurs sont indubitable-
 mēt de matiere de fluée, ou de la partie
 engendrée en icelle, ou esmeue & exci-
 tée, vaporeuse, flatueuse ou humorale,
 à cause de l'imbecillité contractée en
 tout le corps par occasion de la mala-
 die intemperie substantielle : car la ver-
 tu naturelle, principalement & par plus
 speciale antipathie & inimitié de la cō-
 tagiō assaillie, singulieremēt la cōcoctri-
 ce (comme l'anorexie longue en tous
 les malades de Coqueluche monstre)
 faut necessairement cōfesser que la cha-
 leur naturelle influante & insite souffre
 iacture, & par consequent que par faute
 de concoction & de régime suffisant de
 nature, s'engendrent & amassent beau-
 coup d'excremens humoraux, vaporeux
 & flatueux, & principalemēt au cerueau
 receptacle en mode de cheminée de
 toutes les vapeurs et exhalatiōs de tou-
 tes les parties du corps supposées, con-

Curation des symptomes de la coqueluche
tinuellement euaporantes & exhalâtes,
& plus quand la chaleur naturelle souffre diminution, ou intemperie, intention
& augmentation de fièvre, lesquels ex-
cremens redondans au cerueau et ail-
leurs, defluent interieurement ou exte-
rieurement, droictement ou laterale-
mēt aux parties inferieures & supposées,
selon leur commodité, force, inclinatio
de la partie qui enuoye, et imbecillité
naturelle ou contractée, de la recepuan-
te, ou bien s'amassent et accumulent en
la partie, et y font absces humoral ou
flatueux causes de douleur: contre les-
quelles douleurs et leurs causes mate-
rielles, faut vser d'euacuation vniuersel-
le et particuliere, d'vniuerselle pour la
cause antecedente redondante, de par-
ticuliere & topique, pour la conioincte,
d'anodins en douleur facheuse, de nar-
cotiques en l'intollerable prostername
et perilleuse. Quand à la phrenesie de

ceste maladie, ie l'ay veue garir a nature (toufiours en son bien faict imitable) par l'æmorrhagic du nez deriuant en dehors le sang spiritueux, vaporeux feruët, furieux & infect, & quelquefois par flux de ventre reuulsoire de la cacochimie semblablemēt furieuse & influée au cerueau. A l'imitation donc de nature en mesme causes & occasions & à son defaut, nous procurerons le mesme.

G V I L. Au discours Therapeutique des symptomes, il me semble que vous ne tenez aucun ordre: car vous confondez & meslez les symptomes de toutes les parties. Vostre premier symptome cœphalalgie à esté le premier proposé, & la phrenesie symptome de la mesme partie le dernier. Et les auteurs assemblent fort raisonnablement & methodiquement tous ceux de chasque partie, selon l'ordre des parties.

S V. Nostre maladie requiert autre or-

Curation des symptomes de la coqueluche
dre, car encores qu'elle produise diuers
symptomes par tout le corps, & en tous
les membres & parties, toutesfois fort
raisonnablement & methodiquement
l'on discourt & resout les plus essentiels
& pathognomoniques premiers, enco-
res qu'ils soiēt diuers & de diuerses par-
ties, & apres les autres plus equivoques
& moins appartenans à la maladie. En
nostre pathologie au Dialogue des si-
gnes, nous auons monstré selon la verité
que la cœphalalgie, Anorexie et Toux
sont symptomes essentiels perpetuels &
inséparables, & que assemblez ilz font
le signe pathognomonique, donc enco-
res qu'ils soiēt de diuerses parties, nous
les auons a bon droict comme mieux
appartenans à la maladie, proposez,
considérez & resolus premiers tant en
la Pathologie qu'en la Therapeutique,
& apres, les autres plus rares, d'où qu'ils
soient. Et ainsi la phrenesie plus raremēt

aueneue & veue en nostre maladie, iuste-
ment à esté mise entre les symptomes
la derniere. Et voila tout ce qui me sem-
ble pouuoir estre dict touchant ceste
maladie & ce qui la concerne.

GUILLEMET. Je suis content.

SYLV. C'est donc la fin & à DIEU.